

2014, SĒOOGO, 1

GŪUSG GASGÃ

MOONDA A ZEOVA RĪUNGÃ



BŌE YĪNG TŪ YEL-BEED
MI N PAAM NIN-SŌNGO?

GŪUSG GASGĀ yaa sebr sēn waoogd Wēnnaam a Zeova sēn yaa āndūniyā fāa Naabā. A leb n kengda nebā pelse, bala a wilgdame tū ka la bilfu, Wēnnaam Riungā sēn be saasē wā na n kutame tū wēnem buud fāa sa, la a kut tū tēngā lebg arzāna. A sagenda nebā tū b tē a Zezi Kiristi, bala yē n sak n ki sēn na yū tū tōnd tōog n paam vūum sēn ka satā, leb n yaa yē la Wēnnaam Riungā Rīma. Yaa hal sēn sung ne yuumd 1879 wā la a Zeova Kaset rāmbā yiisd seb-kāngā. Sebrā pa teend politik sull baa a yembr ye. A goamā fāa tika Biiblā zugu.

Y sā n dat kibay n paase,
bū y sā n dat tū b wat n
zāmsd yāmb Biiblā,

bū y ges www.jw.org
Y leb n tōe n gulsa a Zeova
Kaset rāmbā ne aders nins
sēn be tēngā a yembre.

SOUTH AFRICA:
Jehovah's Witnesses
Private Bag X2067,
Krugersdorp, 1740

BÉNIN:
Les Témoins de Jéhovah
B.P. 312
AB-Calavi

Sēn na yū n bāng b aders rāmbā fāa,
bū y tū ges www.jw.org/contact.

Seb-kāngā pa koosd ye. B yiis-a lame n na n sōng nebā dūniyā gill zug tū b zāms Biiblā. Yaa ligdā nebā sēn kōt ne yamleogā n teend toomdā. Biiblā verse rāmbā yita Wēnnaam Sebrā pugē, la d rems-b lame tū zems ne moorā gulgā noyā. Verse sā n pugl ne MN, wilgdame t'a yita Les Saintes Écritures—Traduction du monde nouveau wā pugē.

The Watchtower (ISSN 0043-1087) is published semimonthly by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 25 Columbia Heights, Brooklyn, NY 11201-2483, and by Watch Tower Bible and Tract Society of Canada, PO Box 4100, Georgetown, ON L7G 4Y4. Periodicals Postage Paid at Brooklyn, NY, and at additional mailing offices. **POSTMASTER:** Send address changes to Watchtower, 1000 Red Mills Road, Wallkill, NY 12589-3299. © 2014 Watch Tower Bible and Tract Society of Pennsylvania. Printed in Nigeria.

ZĀMSGĀ SŌSSĀ

BŌN-BLUDUNGO, A 1-7 | SEB-NENG A 9 · YULLA: 63, 66

A Zeova “mii bāmb mengā neba”

BŌN-BLUDUNGO, A 8-14 | SEB-NENG 14 · YULLA: 64, 61

Neb nins sēn yaa a Zeova rēndā segd n ‘basa tuum-wēnse’

Sōs-kāensā wilgda goam nins sēn be 2 Tumote 2:19 pugē wā vōore. B wilgdame me tū gom-kāens tika kibar sēn zīnd a Moiz wakatē wā zugu. Y na n bānga kiris-nebā sēn tōe n maan to-to n wilg tū b yaa a Zeova rēnda, la tū b ‘basa tuum-wēnse.’

BŌN-BLUDUNGO, 15-21 | SEB-NENG 19 · YULLA: 31, 92

“Yāmb yaa mam kaset dāmba”

BŌN-BLUDUNGO, 22-28 | SEB-NENG 24 · YULLA: 102, 103

‘Yāmb na n yū mam kaset dāmba’

Sōs-kāensā na n wilga yū a Zeova Kaset soab sēn dat n yeelga. Rē na n kutame tū d maneg n moon ne yēesem n gom a Zeova la a Zezi yelle. Sēn paase, d na n dat n waoog-b-la d vūumā nens fāa pugē.

SĒN BE SEBRĀ PUGĒ ME

Yel-beedā waoogame! 3

Bōe yīng tū yel-beed paamd nin-sōmse? 4

Bōe la Wēnnaam na n maan n kut tū wēnemā sa? 7

Yāmb ra miime bū? 8

Wān to la y tōe n kibl y kambā? 29

Sogsg Biiblā sēn leokde 32

Yel-beedā waoogame!

A Simita* ra yaa pag sēn tar yuum 35 n be Daka, Bānglades soolmē wā. A ra nonga nebā, n yaa nimbāan-zoet me. A ra yaa pag sēn nong a menga, la sēn tumd wusgo. A ra maanda a sēn tōe fāa n na n sōng a taabā tu b bāng Wēnnaam. La a wa n luv bāaga, n ki semen a ye pugē, t'a zakā rāmb la a zo-rāmbā sūy sāam wusgo.

A Zak ne a pagā me ra tara yu-noog wa a Simita. B ra zemsa yuum 30. La daar a ye, b yii Niuyork n kēng Etazīni babg a ye n na n tu ges b zo-rāmba, tu yel-beed paam-ba. B so-toakā sasa, b fāoo ne b mobillā n maan kaalem, tu b zakā rāmbā, b zo-rāmbā la b tumd-n-taasā sūy sāam wusgo.

D fāa neeme tu wēngā la namsgā bee zīg zānga. Zabā kuvda sodaas la neb a taaba. Bi-be-tuumā la nen-keglmā namsda neb wusgo. Agsūdā-rāmbā kuvda kāsēmb la kamba, naong rāmb la rakāag-rāmba. Yaa woto me ne bāas nins sēn komd nedā. Sabab-wēnsā kuvda neb buud fāa. Bu-welsgā la wēgbā bee zīg zānga. Tōe tu yel-kāensā suka, a ye n zoe n paam yāmba.

Rē n so tu d mi n sokd d mens woto:

- Bōe yīng tu yel-beed mi n paam nin-sōngo?
- Yaa Wēnnaam n wat ne yel-kāensā bu?
- Yel-beedā wata jaar bu, bu yaa ninsaalbā sababo?
- Yaa Karma# wā n kut tu nebā namsdē bu?
- Wēnnaam sēn tōe fāa wā, bōe yīng t'a pa kogend nin-sōmsā?
- Wēngā la namsgā na n wa saame bu?

Sēn na yul n paam sog-skāensā leoore, d segd n bao n bānga sogsg a yiib leoore: Bōe yīng tu yel-beedā beē? La bōe la Wēnnaam na n maane?

* D toeema yuyā.

Neb kēer tēedame tu ned sā n ki, a lebd n dogame, tu būmb nins a sēn maan a pīnd vumā sasa wā pugd-a. Rē la b sēn boond tu Karma wā.



Bõe yīng tu yel-beed paamd nin-sōmse?

A Zeova* sēn yaa būmb fāa naand la pāng sēn ka to soabā, kutame tu neb wusg tagsdē tu būmb nins fāa sēn maan dūniyā zugā yaa yē sababo, baa yel-beedā menga. La d ges būmb ning Biiblā sēn yete:

- ‘Zu-soabā manesem fāa yaa *tirga*.’—Yul Sōamyā 145:17.
- Wēnnaam ‘soeyā fāa yaa *tirse*. Bāmb yaa Wēnnaam sēn maand *sida*, n ka maand wēng ye. Bāmb yaa *sōngo*, la *tirga*.’—Tōodo 32:4.
- ‘Zu-soabā tara *sū-bvgsem* la *nimbāan-zoeer* hal wusgo.’—Zak 5:11.

Wēnnaam pa kutd tu yel-beed paam ned ye. La rē yīnga, a kutdame tu ned maan wēng bu? Ayo. Biiblā yeelame: “Ned sā n paam makre, bu a ra yeel tu yaa Wēnnaam n makd yē ye. Tu bõe, būmb ka tōe n mak Wēnnaam tu b maan wēng ye, la Wēnnaam mengā ka makd ned ba a ye t’a maan wēng ye.” (Zak 1:13) Wēnnaam pa makd neda, rat n yeel t’a pa kutd tu ned tum tum-wēns ye. Yē mengā pa maand wēnga, a pa kutd me tu ned maan wēng ye. La yaa ānda, wall bõe n wat ne yel-beedā?

YEL-LINGDEM TŌE N PAAMA D NED KAM FĀA

Biiblā wilga būmb a ye sēn kut tu ninsaalbā namsdē wā, n yeel woto: “Toog lingda ninsaalba, n paamd bāmb sabab wakat wa b sēn yōgd zīm ne gāmbre.” (Koeeg Soaba 9:12) Sabab-wēng sā n maan zīg ninga, yaa neb nins sēn be zī-kāng sababā wakatā la a tōe n ku. Wala makre, na maan yuum 2000 rūndā,

* Biiblā wilgdame tu Wēnnaam tara yuure. A yuurā la a Zeova.



Bõe yīng tu Wēnnaam pa kogend nin-sōmsā sabab-wēns sasa?

a Zezi Kirist goma gasg sēn luu n ku neb 18 yelle. (Luk 13:1-5) Pa b sēn da yaa nin-wēns yīng la b sēn ki wā ye. Yaa b sēn da be gasgā tēngr a luusā wakatā yīnga. Yuumd 2010 yuum-vēkr kiuugā me, tēn-digimd-kāseng n zīnd Haiti, tu tēngā taor-dāmb wilg t’a kuv neb tus kobs-tā la zaka. Tēn-digimd-gā pa tūus nin-kāensā n ku ye. A kuv yaare. Yaa woto me ne bāasā. Bāag tōe n tiig n yōka ned buud fāa.

Tōe tu kēer sok b mens woto: ‘Wēnnaam pa tōe n kut tu yel-beedā ra zīnd sida? Bõe yīng t’a pa kogend nin-sōmsā?’ Sēn na yul n maan dē, a segd n deng n bāngame tu yel-beed n wate. Yaa sud tu Wēnnaam tōe n bānga sēn wate. La rē yīnga, a baood n bānga būmb ning fāa sēn wat bu?—Ezai 42:9.

Biiblā yetame: “Wēnnaam bee saasē. Bāmb maanda b yam ne b sēn datā fāa.” (Yul

Ninsaalbā tuma tuum-beedo, tu wa ne namsg wusgo

Sōamyā 115:3) A Zeova pa maand būmb ning fāa a sēn tōe ye. A maanda būmb ning a sēn get tu yaa tulae. A maanda woto me ne beoog-daar yelā. Wala makre, pīnd wēndē, Sodom la Gomoor nebā sēn wa n lebg wēns wusgā, Wēnnaam yeela a Abrahaam woto: ‘Togame tu m ta n ges b sā n sud maana wala m sēn wumnd tu b gomdā. Sā n pa boto me, *m na bānge*.’ (Sungre 18:20, 21, *Sebr Sōngo*) A Zeova yāka yam n pa reng n bao n bāng tēn-kāensā wēnemā sēn taē ye. Rēnd a Zeova tōe n yāka yam n pa reng n bao n bāng būmb fāa ye. (Sungre 22:12) La pa rat n yeel t’a tōogā tara koak ye. Yaa būmb nins sēn kēed a raabā pidsg pugē wā bal la a rengd n bao n bānge. Wēnnaam “tuumā zemsa zānga.” A zu n modg ninsaal t’a maan a raab ye.* (Tōodo 32:4) Dēnd d tōe n yeelame t’a Zeova tūusda yel nins a sēn dat n bāngā.

YAA NINSAALBĀ SABAB BU?

Wēnemā sēn yaa wusgā yaa ninsaalbā sabab me. Biiblā wilga sēn sungd to-to tu ned wa maan wēnga, n yeele: “Ned kam fāa tara makr a meng wēngā ratem sēn makd yēnda n bēt yēnda. La wēngā ratem sā n duk puga, a rogda yel-wēnā, la yel-wēnā sā n wa n bu, a wata ne kūum.” (Zak 1:14, 15) Nebā sā n sakd b tols-wēnsā n tumd tuum-wēnse, wata ne namsgo. (Rom dāmba 7:21-23) Sud me, wa kudemdā yel sēn wilgdā, ninsaalbā tuma tuum-beedo, tu wa ne namsg wusgo. Sēn paase, nin-wēnsā tōe n belga b taab tu b lebg

* Y sā n dat n bāng būmb ning sēn kut tu Wēnnaam bas tu wēnemā beē wā, bu y karem *Biiblā sud yetame tu bōe?* sebrā sak 11. A Zeova Kaset rāmbā n yiis seb-kānga.



Bōe yīng tu Wēnnaam pa kogend nin-sōmsā
ne bi-beesā?

wa bāmba, tu wēnemā tar paasgo.—Yelbūna 1:10-16.

Wēnnaam segd n gudga ninsaalbā tu b ra maan wēng bu? D sā n tēeg a sēn naan ninsaal to-to wā, na n sōng-d lame tu d paam sok-kāngā leoore. Biiblā wilgame t’a naana ninsaal a meng wōnego. Rēnd ninsaalbā tōe n duka Wēnnaam togs-n-taare. (Sungre 1:26) A naana ninsaalbā tu b tōe n yāk b toorē yam. B tōe n yāka yam n nong Wēnnaam la b sak-a, n maan a raabā. (Tōodo 30:19, 20) Wēnnaam sā n modgd nebā tu b maan a raabo, b pa na n le tōe n yāk b toorē yam ye. B na n yu wa robo-rāmbā sēn pa tōe n yāk yam n maan būmbā. Sēn paase, sā n da mikame tu būmb nins fāa d sēn maandā, la būmb nins fāa sēn paamd tōndā yaa Wēnd pulengo, d yūta wa robo-rāmba. Wēnnaam sēn naan tōnd tu d tōe n yāk d toorē yamā, a waoog-d lame. Woto

pa noom-d suda? La pa rat n yeel tu ninsaalbā na n ket n tudgdame, tu kēer yākd yam n maand wēnga, tu namsgā kell n zīnd wakat fāa ye.

YAA NED PĪND TUM-TUMDU N PUGD-A BU?

Yāmb sã n sok ned sēn yaa ěndu wall budist sokr ning sēn be sōsgā sungre wā, tōe t’a leok woto: “Yaa Karma wā n kut tu yel-beed mi n paam nin-sōmsā. Yaa tum b sēn tum b pīnd vumā sasa n pugd-ba.”*

Y sã n bāng Biiblā sēn yet kūumā wēngē wā, na n sōng-y lame. Wēnnaam naana pipi rao a Ādem n ning-a Edenne, n yeel-a woto: “Fo tōe n yāgsa tūsā fāa sēn be zēeda zīgē wā biis n du, la ra sak n yāk sōma ne wēng bāngr tugā biis n du ye. Tu bōe, fo sã n du a biisā daare, fo sud na n kiime.” (Sungre 2:16, 17) A Ādem sã n da pa kūs Wēnnaam, a ra na n vumda wakat sēn kōn sa. Yaa kūs-gā n wa ne kūumā. Dē poore, b roga kamba, tu “kūum yōk nebā fāa.” (Rom damba 5:12) Rē n so tu b yeel tu “yel-wēnā yaood yaa kūum.” (Rom damba 6:23) Biiblā yeelame me tu “ned sã n ki, yel-wēnā ka le tar pāng ne-a ye.” (Rom damba 6:7) Woto rat n yeelame tu ned sã n ki, yel-wēn nins a sēn maan a vumā tōrā pa pugd-a ye.

Rūdā-rūdā, neb milyō-rāmb tēedame tu yaa Karma wā n wat ne namsgā. Sēn tēed-b woto wā sã n namsdē wall b sã n get neb a taab sēn namsde, b tagsdame tu zemsame. La woto kutame tu b pa tēed tu yel-beedā na n wa saame ye. Sã n yaa ne bāmba, yaa ned sēn na n paam bāngr tūudmā wēngē, la a zā a meng sōma la a tōe n ki n pa le rog ye. Rē bal la a na n paam a meng ne namsgā. La woto yaa toor fast ne Biiblā sēn yetā.#

* Y sã n dat n bāng sēn sung to-to tu kēer wa tēed Karma wā, bu y karem *Que devient-on quand on meurt?* sebrā neng a 8-12. A Zeova Kaset rāmbā n yiis seb-kānga.

Y sã n dat n bāng Biiblā sēn yet bumb ning kūumā la kūum vuvgrā wēngē, bu y karem *Biiblā sud yetame tu bōe?* sebrā sak a 6 la a 7.



Yāmb miime tu ‘dūniyā naab’ a Sūtāan la wēnemā yēgr meng-mengā bu?—Zā 14:30

YELLĀ YĒGR MENG-MENGĀ

Wēnemā pa sung ne ninsaalbā ye. Yaa a Sūtāan n wa ne yel-wēndā dūniyā pugē. A ra yaa malek sēn sakd Wēnnaam, la a ‘ka pa sudā pugē ye.’ (Zā 8:44) A belga a Ādem ne a Hawa tu b kūs Wēnnaam. (Sungre 3:1-5) A Zezi Kirist boola a Sūtāan tu ‘wēng soaba,’ la ‘dūniyā naaba.’ (Matie 6:13; Zā 14:30) Ninsaalbā fāa la bal sakda a Sūtāana, n pa tūud a Zeova noyā ye. (1 Zā 2:15, 16) Pipi Zā 5:19 yeelame tu “dūniyā fāa bee wēng soabā nugē.” Malegs a taab n lebg wēnse, n pug a Sūtāana. Biiblā wilgame t’a Sūtāan ne a malegsā ‘belgda dūniyā fāa,’ tu ‘toog be ne neb nins sēn be dūniyā zugā.’ (Wilgri 12:9, 12) Rēnd wēnemā yēgr meng-mengā yaa a Sūtāana.

Vēenega, yel-beedā la namsgā pa yit Wēnnaam nengē ye. A pulmame meng t’a na n kutame tu wēnemā sa. Sōsg ning sēn pugdā gomda rē yelle.

Bõe la Wēnnaam na n maan n kut tɩ wēnemā sa?

Biiblā wilga a Zeova ne a Biig a Zezi Kirist sēn na n maan būmb ning n kut tɩ namsgā a Sūtāan sēn wa ne wā sa, n yeele: “Wēnnaam Biigā waame n na n sām Sūtāanā tɩuma.” (1 Zā 3:8) Dūni-kāngā sēn pid ne yāo-beedo, kisgr la tɩum-wēnsā na n saame. A Zezi pulmame t’a na n diga a Sūtāan sēn yaa ‘dūniyā naabā t’a yi.’ (Zā 12:31) Rē poore, a Sūtāan pa na n le tōog n belg nebā ye. Nin-tursā na n tōog n vɩmda tēn-paalgā pugē ne laaft la bāane.—2 Pteer 3:13.

La bõe n na n paam neb nins sēn maand wēng n pa rat n toeemā? Biiblā yeelame: “Nin-turs na n zīnda tēngā pugē, pu-peelem dāmb na n zīnda a pugē. La b na n yiisa nin-wēns tēngā pugē. B na n yiisa neb nins sēn ka baood sudā.” (Yelbūna 2:21, 22) Nin-wēnsā pa na n le tōog n belg b taabā tɩ b lebg wa bāmb ye. Bilf-bilfu, sakdbā na n lebg neb sēn zems zānga.—Rom dāmba 6:17, 18; 8:21.

Bõe la Wēnnaam na n maan tɩ wēnem da zīnd dūni-paalgā pugē? A pa na n kut tɩ nebā lebg wa robo-rāmba, n pa le tōe n yāk b

toorē yam ye. A na n zāmsa sakdbā a noyā, n sōng-b tɩ b bas tags-wēns la tɩum-wēnse.

Sabab-wēnsā me pa na n le zīnd ye. Wēnnaam pulmame tɩ ka la bilfu, a Rīungā na n sooga dūniyā. Rīun-kāng Rīmā yaa a Zezi Kirist sēn tar tōog n tōe n maag bāad-rāmbā. (Matue 14:14) Sēn paase, a tōe n kutame tɩ seb-kāseng bɩ sabab a to ra nams ninsaalbā ye. (Mark 4:35-41) Wakat kānga, toog pa na n le ling ninsaalbā ye. (Koeeg Soaba 9:12) Kirist naamā sasa, sabab-wēng pa na n zīnd ye.—Yelbūna 1:33.

La neb milyō-rāmb nins sabab-wēnsā sēn ku wā yē? Nand t’a Zezi vɩug a zoa a Lazaare, a yeelame: “Mam yaa vɩugr la vɩum.” (Zā 11:25) A Zezi tara tōog n na n vɩug sēn ki-bā.


Dūni ning sēn watā pugē, yel-beed *pa* na n le paam nin-sōmsā ye. Yāmb dat n wa vɩmda dūni-kāng pugē bɩ? Sā n yaa woto bɩ y zāms Biiblā, n bāng Wēnnaam la a raabā. A Zeova Kaset rāmbā na n sak n sōng-y-la ne yamleooogo. Y tōe n baoo b zīiga, wall y guls seb-kāngā yiisdbā. ■

Wēnnaam na n kutame tɩ namsg buud fāa sa





BIIBLĀ SĒN GOMD TĒNS NINS
YELLĀ PUSĒ, SŪUD RA BEE SŌMA



DESĒ B SĒN MAAN RAOOG ZUG
SĒN BILGD EZIPT ZĪM-YŌGDBA

Image tirée du livre *Récit populaire de l'Égypte antique* (angl., 1871)

Pīnd wēndē wā, wān to la b ra maand koom-kogendā tū koomā pa kēedē?

Bāngd a ye wilga nebā sēn da maand koom-kogendā to-to Rom naamā sasa. B sā n da ka koglgā n sa, b mi n yēta vōyā, la b bol a pugā ne a poorā fāa ne sūud sēn wōnd gudrō. Yuum wusg sēn deng Rom naamā, Akaad la Babilon nebā me ra bonda b koom-kogendā ne sūud sēn na yul tū koomā ra kē ye.

Sungr 6:14 pugē, Biiblā goma ned sēn maan woto yelle. Hebre gom-bil ning b sēn lebg verse kāngā pugē tū ‘sūdā’ yaa būmb b sēn yākd tēn-gāongā pugē, tū wōnd gudrō.

Sūud ning yell d sēn gomdā mi n yaa bēega, la a be sēn yaa koēng me. Yaa bēegā soab la pīnd wēndē nebā ra tar n bond koom-kogendā. B sā n da bol n sa, sūdā kuutame, tū koom pa tōe n kē koglgā ye.

Biiblā sēn gomd tēns nins yellā pusē, sūud ra bee sōma. Wala makre, b wilgame tū “sūud bogd wusg” ra bee Sidim tāngā long pugē. Sidim bee Mog-kuungā sēnese.—Sungre 14:10. ■

Wān to la pīnd wēndē nebā ra maand tū zīmā ra pōoge?

Nebā sung n wābda zīm hal sēn kaoose. A Zezi tum-tumdb kēer ra yōgda zīm Galile mogrā pugē nand tū b lebg a karen-biisi. (Matue 4:18-22) Zīs n da pē be tū neb manegd zīmā, tū b mi n yāk b zīmā n kēng be.

Tōe tū yaa Galile nebā sēn da maand to-to sēn na yul tū zīmā ra pōogā la b sēn ket n maand tēns kēer pusē rūndā-rūndā wā. B rengd n weeda zīmā n pek ne koom. Sebr a yembr wilga b sēn maand rē poorā, n yeel tū ‘b yākda yams-kud n sul b noyā pusē, la b sō a yīngā tōre. B tuuta pīiri, n gāneg yamsem. B yedgda zīmā yamsmā zugu, n le ning yamsem, la b pil ne pīiri. Rasem a tā bu a nu poore, b zēkda fāa n lebgē, n bas tū le kaoos rasem a tā bu a nu yesa. Woto fāa na n kutame tū zīmā wēke, tū yamsmā kē zīmā, tū lebg zīm-koēnga.’

D pa mi zīm b sēn kuuls woto sēn tōe n kaoos to-to n pa sām ye. La pīnd wēndē, Ezipt nebā ra tara b zīmā n kēnd n koosd hal Siiri. Woto wilgdame tū b kuulsgā buud yaa sōma. ■



A Zeova “mii bāmb mengã neba”

“Ned sã n nong Wẽnnaam, Wẽnnaam mii a soaba.”

—1 KOR. 8:3.

DAAR a ye yibeoogo, maan-kvudb kãsem a Aarõ ra yasa a Zeova sek-roogã noor ne wisd yõogr laaga, t’a Koore ne rap 250 me yasẽ. B ned kam fãa ra zãada wisd yõogr laaga. (Sõd. 16:16-18) Nif gesg pugẽ, nin-kãensã fãa wõnda neb sãn tũud a Zeova ne b sũy fãa. La a Koore ne a poorẽ dāmbã ra yaa wuk-m-mens rāmb la kvsdb sãn da rat n deeg maan-kvurã n bas a Aarõ. (Sõd. 16:1-11) B ra belgda b mense, n tẽed tũ b tata a Zeova yam. B sãn da tagsd woto wã, b paoogda a Zeova sãn mi nebã sũy tagsgã. A ra miime tũ nin-kãensã yaa pu-lik rāmba.—Zer. 17:10.

² Daar-n-kāng ket tũ beoogo, a Moiiz yeela woto: “Zu-soabã na n wilga sãn ya a bāmb neda.” (Sõd. 16:5) Bõe la a Zeova maan n wilg tũ yẽ mii neb nins sãn tũud-a ne b sũy fãa wã ne pu-lik rāmbã n bake? A kutame tũ bugum yi yĩngr n wa ru a Koore ne neb 250 wã. (Sõd. 16:35;

1. Wãn to la neb sãn da tũud a Zeova belg b mense? (Ges-y fotã sãn be yĩngrã.)

2. Bõe la a Moiiz reng n togse, la wãn to la a goamã pids-yã?

Y NA N LEOKAME Tũ BÕE?

Bõe yĩng tũ d tõe n kvs sud tũ baa fuu pa tõe n toem a Zeova raabã?

Bũmb a yiib zut la a Zeova noyã tik-yã. Bõn-kãens la buse?

Wãn to la 2 Tumote 2:19 goamã kengd d tẽebã?

26:10, MN) A Aarō bal n pōse. A Zeova sēn maan woto wā, a wilgame t'a Aarō n sud yaa maan-kuuda, n tūud yē ne a sūur fāa. —**Karm-y 1 Korēnt dāmb 8:3.**

³ Na maan yuūm 1500 poore, yell a woto n zīnd kiris-nebā suka. Tum-tumnd a Poll yeelame tu neb sēn yet tu b yaa kiris-neb n zāmsd b taabā sēn pa sūda. Nif gesg pugē, nin-kāensā sēn yaa sūdā kuusdbā wōnda tigingā neb a taabā. La b goamā ra tōe n wāa wēn-sakdbā. Nin-kāensā yaa wēns wa kata, n 'sāamd kēer tēebo.' (2 Tum. 2:16-18) A Poll sēn da mi a Zeova sēn maan a Koore ne a poorē dāmbā būmb ningā, kutame t'a kūs sud t'a nee yelā sēn yaa to-to tigingā pugē wā. Tōnd me tōe n kūs a Zeova sūda. Bt d ges a Poll sēn yeel a Tumote būmb ningā sēn tōe n sōng-d to-to zī-kāng wēngē.

“MAM YAA ZU-SOABA, MAM KA TEK YE”

⁴ A Poll ra kūs sud t'a Zeova mii neb nins sēn tūud yē ne pu-peelmā, la sēn tūud-b yē ne pu-likā n bake. Wēnnaam sēn vēneg a Poll t'a guls a Tumote būmb ningā wilgda rē. A reng n goma sūdā kuusdb sēn da sāamd tigingā neb kēer tēebā yelle, n yaool n yeel woto: “La baasgo, Wēnnaam yēbgr yalsda kân-kāe ne gom-kāens sēn yaa wa bānd sēn yeta: ‘Zu-soabā mii bāmb mengā neba,’ la: ‘Ned ning fāa sēn yet tu yē yaa Zu-soabā rēnda, bt a bas tuūm-wēnse.’ ” —2 Tum. 2:18, 19.

3. a) A Poll wakate wā, yel-bug n da be kiris-nebā suka? b) A Zeova sēn maan a Moiz wakatē kuusdbā būmb ningā wilgda bōe?

4. A Poll ra kūs sud ne bōe, la wān to la a sēn yeel a Tumote būmb ningā wilgd rē?

⁵ Biiblā pugē, b sā n gomd yēbgr yelle, tōe n makda būmb toor-toore. Wala makre, b goma Zerizalem sēn yaa Israyell na-tēngā yēbgr yelle. B maka tuūmd ning a Zezi sēn tar a Zeova raabā pidsg pugē wā me ne yēbgre. (Yul 87:1, 2; 1 Kor. 3:11; 1 Pū. 2:6) La yaa vugr bal la b gom 'Wēnnaam yēbgr sēn yalsd kân-kāe' wā yelle. Kiba-bug la a Poll tik n gom rē yelle?

⁶ A Poll sēn gom 'Wēnnaam yēbgr sēn yalsd kân-kāe' wā yellā poore, a lebs n togsa goam nins sēn be Sōdb 16:5 pugē wā. Yu būmb ning a Moiz sēn da yeel a Koore ne a poorē dāmbā. A Poll sēn gom rē yellā, a tēega a Tumote t'a Zeova mi būmb ning sēn da maand tigingā pugē wā. Wēnnaam pa na n bas sūdā kuusdb tu b sāam tigingā neb tēeb ye. Wa a Koore sēn pa tōog n toeem a Zeova raabā, sūdā kuusdb sēn be tigingā pugē wā me pa na n toeem a Zeova raabā ye. A Poll pa wilg 'Wēnnaam yēbgr sēn yalsd kân-kāe' wā sēn yaa būmb ningā taku ye. La a goamā sōnga a Tumote t'a kūs a Zeova sūda.

⁷ A Zeova noyā pa toeemd ye. Yul Sōamyā 33:11 yeela woto: “Zu-soabā raab na n zīnda wakat fāa. Bāmb sūur tagsg na n paa zāmaan fāa.” Biiblā verse-rāmb a taab wilgdame t'a Zeova naamā, a nonglmā, la a turlmā paada wakat fāa, la t'a yaa sud soab wakat fāa. (Yik. 15:18; Yul 106:1; 112:9; 117:2) Malaki 3:6 yeelame: “Mam yaa Zu-soaba, mam ka tek ye.” Sēn paase,

5, 6. Bōe la d tōe n yeel a Poll sēn gom 'Wēnnaam yēbgr sēn yalsd kân-kāe' wā yellā wēngē? Wān to la a goamā naf a Tumote?

7. Bōe yīng tu d tōe n kūs sud t'a Zeova na n kell n yu turlm la sud soaba?

Zak 1:17 wilgame t’a Zeova “ka tedgd baa bilf ye.”

**“BĀND” SĒN WILGD TL D TŌE N
KLUSA A ZEOVA SLDA**

⁸ A Poll yeela 2 Tımote 2:19 pugē tu gulsem n be Wēnnaam yēbgrā zugu. Pīnd wēndē wā, nebā mi n gulsa goam roog yēbgr zug sēn na yul n wilg roogā met wall a soabā sēn yaa ned ninga. A Poll n yu pipi n gom minun-kāng yell Biiblā pugē.* Gulsem ning sēn be ‘Wēnnaam yēbgr sēn yalsd kân-kāe’ wā zugā tara babs a yiibu: 1) “Zu-soabā mii bāmb mengā neba.” 2) “Ned ning fāa sēn yet tu yē yaa Zu-soabā rēnda, bu a bas tūum-wēnse.” Woto tēegda tōnd būmb ning sēn be **Sōdb 16:5** pugē wā. —Karm-y-yā.


⁹ Būmb ning sēn guls ‘Wēnnaam yēbgr sēn yalsd kân-kāe’ wā zugā zāmsda tōnd bōe? Pipi, a Zeova nonga neb nins sēn sakd-a wā, la yiibu, a Zeova kisa tūum-wēnse. A noyā tika bōn-kāense. Bōe yīng t’a Poll gom rē yell a sēn wa n gomd sūdā klusdb yellā sasa?

¹⁰ Sūdā klusdb manesem da sāmnda a Tımote la tigingā neb a taabā sūuri. Kiris-neb kēer ra tōe n getame tu b sēn bas nin-kāensā tu b ket tigingā pugē wā pa zems ye. Tōe meng tu b ra maanda sāmb-sāmb ne a Zeova sã n sud mii sēn sakd-b yē ne b sūur fāa wā, la sēn tūud-b yē ne pu-likā n bake.—Tuv. 20:29, 30.

* Yuum a wān poore, Wilgr 21:14 goma minun-kāng yelle. Be, b wilgame tu tum-tumdb 12 wā yuy gulsa yēbgr 12 zutu.

8, 9. Būmb ning sēn guls ‘Wēnnaam yēbgr sēn yalsd kân-kae’ wā zugā zāmsda tōnd bōe?

10. A Poll wakatē wā, wān to la sūdā klusdb manesem ra namsd tigingā neba?



A Tımote pa bas tu sūdā klusdb manesem koms a tēebā ye
(Ges-y sull 10-12)

¹¹ Sāmbg sēn kae, a Poll lētrā kenga a Tımote tēebo. A tēeg-a-la būmb ning a Zeova sēn maan n wilg t’a Koore ne a poorē dāmbā yaa pu-lik rāmbā. A Zeova sām-b lame, tu wilg tu yaa a Aarō la a yāk-yā. Woto me, baa a Poll wakatē wā neb kēer sēn da yet tu b yaa kiris-neb n yaool n yaa sūdā klusdbā, a Zeova ra na n wilgame t’a mi a meng nebā n bake.

¹² A Zeova pa toemnd ye. Dēnd, d tōe n teeg-a-la wakat fāa. A kisa tūum-wēnsā, la a na n subga sēn maand-b

11, 12. Wān to la a Poll lētrā keng a Tımote tēebā?

wēng n pa rat n tek yam n kos sugrā. A Poll tēega a Tumote t’a segd n gūusa a meng ne sūdā kūsdba, bala ‘ned ning fāa sēn yet t’a yaa Zu-soabā rēnd’ segd n kisga tuum-wēnse.*

NED ZL N TŪ A ZEOVA NE A SŪUR FĀA TL YL ZAALEM YE

¹³ A Poll sēn yeel a Tumote būmb ningā tōe n kenga tōnd me raodo. Bōe yīnga? Wilgdame t’a Zeova miime tu d sakd-a-la ne d sūur fāa. La rē toor sēn ka be, a Zeova wilgdame tu d yell pak-a lame. Biiblā yeta woto: “Zu-soabā nif geta dūniyā zīgā fāa n dat n sōng neb nins sēn dat Wēnnaam ne b sūyā fāa wā.” (2 Kib. 16:9) Dēnd, d tōe n kusa sūd tu d sēn tūud a Zeova ne d sūur fāa wā pa na n yl zaalem ye.—1 Tum. 1:5; 1 Kor. 15:58.

¹⁴ A Poll gomdā wilgdame me t’a Zeova kisa neb sēn na n tūud-a ne pu-lika. A tōe n bānga būmb ning sēn be ned kam fāa sūurē. Rēnd a mii “neb nins sēn dat Wēnnaam ne b sūyā fāa wā” n bake. Ned sā n maand wa a yaa wēn-sakd n yaool n solgd n maand yel-wēna, a Zeova kis-a lame. (Yel. 3:32) Nin-kāngā tōe n belga ninsaalbā, la a pa tōe n belg a Zeova ye. Bala a Zeova sēn yaa pāng sēn ka to la turlem soabā yeelame tu “sēn solgd-a a yel-wēn ka na n tōog ye.”—Yel. 28:13; **karm-y 1 Tumote 5:24; Hebre dāmb 4:13.**

¹⁵ Rūndā-rūndā, a Zeova Kaset

* Sōsg ning sēn pugdā na n wilga d sēn tōe n duk a Zeova togs-n-taar to-to, n kisg tuum-wēnse.

13. D tōe n kusa sūd ne bōe?

14. Nin-bus buud la a Zeova kisa?

15. Manesem-bug la d pa segd n talle, la bōe yīnga?

rāmbā fāa la bal nong-a-la ne b sūy fāa. B sukā, neb sēn yāk yam n tūud Wēnnaam ne pu-lik pa waoog ye. La a buud sā n zīnda a Moiiiz wakatē wā la pipi kiris-nebā wakatē, tōe n zīnda rūndā-rūndā me. (2 Tum. 3:1, 5) La rat n yeelame tu d segd n maana sāmbsāmbs ne d tēed-n-taasā bu? Ayo! D sā n pa tar kaset sēn wilgd tu d tēed-n-taag maana būmb sēn pa segde, d pa na n get-a kegr-kegr ye. (**Karm-y Rom dāmb 14:10-12; 1 Korēt dāmb 13:7.**) Sēn paase, d sā n maand sāmbsāmbs ne d tēed-n-taasā, tōe n sāama tōnd ne a Zeova zoodā.

¹⁶ Kiris-ned fāa segd n ‘maka a meng tuuma.’ (Gal. 6:4) D sēn yaa neb sēn pa zems zāngā, d sā n pa gūusi, d tōe n wa tara taga sēn pa zems n pa miē meng ye. (Heb. 3:12, 13) Rē n so tu d segd n feedd d mens wakat-wakate, n get d sā n tūuda a Zeova ne d sūur fāa. Yūta sōma tu d ned kam fāa sok a meng woto: ‘Mam tūuda a Zeova m sēn nong-a wā yīnga, la m sēn mi tu yē n yaa yīngr la tēng naabā yīng bu, bu yaa m sēn dat n wa paam bōn-sōma nins sēn na n zīnd arzānā pugē wā n kut tu m tūud-a?’ (Wil. 4:11) D sā n wae n sokd d mens woto, tōe n sōng-d lame tu d kell n tū Wēnnaam ne pu-peelem.

WĒN-SAKR WATA NE SŪ-NOOGO

¹⁷ D sā n modg n tū Wēnnaam ne d sūur fāa, d paamda barka. Yul-gulsdā yeela woto: “Bark bee ned ning zug Zu-soabā sēn ka geelgd a yel-wēnā ye, la

16. a) Bōe la d tōe n maan n kell n tū a Zeova ne d sūur fāa? b) Bōe la zī-gūbr ning gom-zug sēn yaa “Feedd-y y mens n getē” wā zāmsd tōndo?

17, 18. Bōe yīng tu d segd n tū a Zeova ne pu-peelem?

zāmb sēn ka be a sūur pugē ye.” (Yul 32:2) Neb nins sēn tūud Wēnnaam ne pu-peelem tu zāmb ka be b sūy pusē wā paamda bark rūndā, la b na n paama bark sēn ka set beoog-daare.

¹⁸ Ka la bilfu, a Zeova na n puka neb nins sēn maand wēngā bāongo. A na n maana woto me ne sēn maand-b wa b

tūuda yē n yaool n solgd n maand yel-wēnā. A na n kutame tu nebā bāng “nin-sōng ne nin-wēng n bake, la ned sēn sakd [yē] ne ned sēn ka sakd [yē] n bake.” (Mal. 3:18) La nananda, d sēn mi tu “Zu-soabā geta nin-turse,” la t’a ‘wumda bāmb puusgā,’ pa kengd d raood suda?—1 Ptē. 3:12.

Feesd-y y mens n getē

WĀN TO la tōnd ned kam fāa tōe n fees a meng n ges a sā n nonga a Zeova la a tūud-a ne a sūur fāa? Biiblā yeela woto: “Bū y fees yāmb mens n ges yāmb sā n bee tēeb pugē. Mak-y yāmb mens n gese.” (2 Kor. 13:5) Yuta sōma tu d mi n fees d mens n ges d yel-manesmā sā n sud wilgdame tu d tūuda a Zeova ne pu-peelem. Ad sogsg a wān d sēn tōe n sok d mense:

- Mam mi n pēgda m tēed-n-taasā ne pu-peelem bu? M sud nong-b lame bu? —Yul 12:3, 4; 1 Ptē. 1:22.
- M sā n bool m tēed-n-taas m zakē, wall m sā n kō b nin-yeng kūuni, yaa m sēn dat tu bāmb me maan būmb yīng bu? —Mat. 6:2-4.
- M wilgdame tu m nonga m zakā rāmb la m waoogd-b bu? M maanda woto d sēn wat n be ne taaba, la d sēn wat n be neb suk bu?—Kol. 3:18-21.
- Mam tūuda Biiblā noyā m sēn zāmsd nebā bu?—Rom 2:21-23.

D sā n fees d meng woto n mik tu būmb n dat manegre, d maanda wāna? D segd n yul tao-tao n dems-a t’a ra wa paam pāng ye. D sā n maan woto, d na n kell n ta a Zeova yam. Sēn paase, d na n tōog n yeelame “tu tōnd zu n gom n na n belg neb ye, tu tōnd zu n gom n dat n paam paoong ye.”—1 Tes. 2:5, *Kāab-paalgā Koe-noogo.*





Neb nins sēn yaa a Zeova rēndā segd n ‘basa tuum-wēnse’

“Ned ning fāa sēn yet tū yē yaa Zu-soabā rēnda, bī a bas tuum-wēnse.”—2 TUM. 2:19.

Y NA N LEOKAME TŪ BŌE?

Bōe n tōe n wa ne no-koem tigingā pugē, la wān to la d tōe n gil no-koema?

Tūud-n-taarā wēngē, wān to la d tōe n wilg tū d ‘basa tuum-wēnse’?

Bōe me la d tōe n maan n wilg tū d ‘basa tuum-wēnse’?

YĀMB zoe n yāa b sēn guls a Zeova yuurā roog zug wall būmb a to zug bī? Y sā n zoe n yāame, tōe tū y sūur yū noogo. Sūd me, ne tōndo a Zeova yuurā waoogr tara yōod wusgo. Bala, d yaa a Zeova Kaset rāmba. Dūniyā gill zugu, neb ka be n put Wēnnaam yuurā n ta tōnd ye. La d miime tū yū a Zeova Kaset soab baooda modgre.

² Put Wēnnaam yuurā bal pa sek d na ta a yam ye. D segd n tūuda a noyā. Yaa rē la Biiblā sēn yeel t’ a Zeova nebā segd n ‘basa wēng n maan neerā.’ (Yūl 34:15) Tūm-tūmd a Poll me wilga rē. A yeela woto: “Ned ning fāa sēn yet tū yē yaa Zu-soabā rēnda, bī a bas tuum-wēnse.” (**Karm-y 2 Tūmote 2:19.**) D sēn yaa Wēnnaam nebā, wān to la d tōe n wilg tū d ‘basa tuum-wēnse’?

ZĀAG-Y Y MENS NE WĒNGA

³ A Poll goma ‘Wēnnaam yēbgr sēn yalsd kān-kāe’

1. Bōe n tar yōod wusg ne tōndo?
2. D sēn yaa a Zeova Kaset rāmbā, bōe la d segd n maane?
- 3, 4. Hal sēn kaoose, bōe la Biibl-mitbā bao n na n bānge, la bōe yīnga?

wā yell 2 Tumote 2:19 pugē. A wilgame tu gulsem sēn tar babs a yiib n be yēbgrā zugu. Pipi soabā yeela woto: “Zu-soabā mii bāmb mengā neba.” Wōnda gom-kāens tika Sōdb 16:5 wā. (D goma rē yell sōsg ning sēn loogā pugē.) Babg a yiib-n-soabā yetame: “Ned ning fāa sēn yet tu yē yaa Zu-soabā rēnda, b a bas tvum-wēnse.” Hal sēn kaoose, Biibl mitbā bao n na n bānga gom-kāensā sēn yitē. Bōe yīnga?

⁴ A Poll sēn gom to-to wā kutame tu yaa wa a tika Biiblā babg ning sēn da guls ne hebre wā. La gomd ka be bab-kāng pugē n wōnd rē ye. Woto wā, yaa bōe la a Poll tik n yeel tu ‘ned ning fāa sēn yet t’a yaa Zu-soabā rēnda, b a bas tvum-wēnsā’? A Poll gomdā pipi babgā tika Sōdb sak 16 sēn gomd a Koore kūsḡā yellā. La rē yīnga d tōe n tagsame t’a gomdā babg a yiib-n-soabā me tika sag-kāng b?

⁵ A Datā ne a Abiram naaga a Koore tu b lu kūsdbā taoore. (Sōd. 16:1-5) B kusa a Moiiz Israyell nebā taoore, tu yaool n da yaa Wēnnaam n yāk-a t’a yaa b taor-luta. Kūsdbā ra ket n be a Zeova nin-buiidā soka, tu ra tōe n sām kēer tēebo. Nand t’a Zeova wilg neb nins sēn tūud-a ne pu-peelmā n bake, a togsa būmb nin-buiidā sēn segd n maane.

⁶ Biiblā yeela woto: “Zu-soabā yeela a Moiiz ne a Aarō tu b yeel nebā tu b zāag ne a Koore la a Datā la a Abiram yiyā. A Moiiz yikame n

kēng a Datā ne a Abiram sēn be zīg ningā. La Israyell nebā kāsem-dāmbā tūu yēnda. Yē yeela nebā yaa: ‘B y zāag ne nin-wēn-kāensā roto, la y ra sus bāmb būmb ba a yembre, tu b ra wa naag yāmb ne bāmb n sām b yel-wēnā yīng ye.’ Woto, nebā zāaga ne a Koore la a Datā ne a Abiram yiyā.” (Sōd. 16:23-27) A Zeova kuv kūsdbā fāa. La neb nins sēn zāag b mens ne kūsdbā, n wilg tu b kisa tvum-wēnsā pōsame.

⁷ A Poll yeela 2 Tumote 2:19 pugē tu “Zu-soabā mii bāmb mengā neba.” Wa d sēn yā wā, gom-kāens tika Sōdb 16:5. Rē poore, a yeelame tu ‘ned ning fāa sēn yet t’a yaa Zu-soabā rēnda, b a bas tvum-wēnse.’ Tōe t’a tika Sōdb 16:5, 23-27 goamā n yeel woto. Rēnd d tōe n tagsame t’a Poll goam nins sēn be 2 Tumote 2:19 wā fāa gomda a Koore kūsḡā yelle. Gom-kāens wilgda tōnd bōe? Wilgdame t’a Zeova mii sēn be ninsaalbā sūyē. A mii neb nins sēn sakd yē ne pu-peelmā n bake, la a ratame tu nin-kāens lak b mens ne tvum-wēns maandbā.

“LAK NE YALEM GOAM SĒN KA VŌOR YE”

⁸ A Poll goma kibar ning sēn zīnd a Moiiz wakatē wā yell n na n tēeg a Tumote t’a segd n modg n kogla yē ne a Zeova zoodā. Wa a Moiiz wakatē wā, yeel tu f yaa a Zeova rēnd bal sēn pa sekā, zīnd tigingā pugē me bal pa sek ye. Wēn-sakdbā segd n kiska tvum-wēnse. Woto ra baoodame t’a Tumote maan bōe?

5-7. A Poll goam nins sēn be 2 Tumote 2:19 wā tika kiba-bugo? (Ges-y sōsgā sungre fotā.)

8. Bōe yīng tu yeel tu d yaa a Zeova rēnda, wall zīnd tigingā pugē bal pa seke?

La a Poll sēn yeel a Tūmote būmb ningā zāmsda tōnd bōe?

⁹ A Poll lētr ning a sēn tool a Tūmote wā pugē, a wilg-a-la a sēn tōe n zāag a meng ne tuum-wēnsā to-to. Wala makre, a yeela a Tūmote t'a 'ra wē no-koēma,' la t'a "lak ne goam sēn yaa wēns la vūdo." (**Karm-y 2 Tūmote 2:14, 16, 23.**) Tigingā pugē, kēer n da zāmsd b taabā goam sēn pa sūda. Sānda me n da wat ne no-koēma. Baa bāmb dāmbā goam sā n da pa kūsdb Biiblā sēn yetā vēeneg-vēenega, sāamda tigingā neb zems-n-taarā. Yaa rē la a Poll sēn sagl a Tūmote t'a "lak ne yalem-goam sēn ka vōor" la sēn wat ne zabā.

¹⁰ Rūndā-rūndā, d pa wae n yāt sūdā kūsdb tigingā pugē ye. La sūdā kūsdb tōe n wa rat n sōsa ne tōndo. B tōe n tūnuga ne ēnternetā wall būmb a taaba. La sēn yaa a soab fāa, d pa segd n kelg-b ye. D pa segd n wē no-koēem ne sūdā kūsdb wall d leok b mesaaz-rāmbā ye. Baa d sā n tagsdē tu rē na n sōng-b lame tu b ninā puki, pa zems ye. Bala d sā n maan woto, d kūsda Wēnnaam. A yeelame tu d segd n laka d mens ne nin-kāensā.

¹¹ Sūdā kūsdb goam sēn yāk b toogo, būmb a taab n tōe n sām tigingā neb zems-n-taare. Wala makre, kēer tōe n tagsdame tu reem

9. 'Yalem-goam sēn ka vōorā' waa ne bōe pipi kiris-nebā sukā?

10. Sūdā kūsdb sā n wa rat n sōs ne tōndo, d manesem segd n yu wāna?

11. Bōe me n tōe n wa ne no-koēem tigingā pugē, la mak-sōng bug la kāsēm-dāmbā tōe n kō?

ning yaa sōma, tu sānda tagsdē tu reem kāng pa zems ne kiris-ned ye. D sā n dat tu nebā fāa tagsg yu yembr zī-kāng wēngē, na n waa ne no-koēem bala. La tigingā ned sā n dat tu neb a taab naag-a n deem reem sēn kūsdb Wēnnaam noyā, kāsēm-dāmbā pa na n sīnd b noor b sēn pa rat no-koēemā yīng ye. (Yul 11:5; Ef. 5:3-5) Kāsēm-dāmbā pa na n dat me tu neb a taabā tū bāmb mensā raab ye. Biiblā yeel-b-la woto: "Bū y rulg Wēnnaam piisā sēn be yāmb nusē wā. . . . Ka tu soog bāmb ne pāng ye, yaa tu yu mamsg bāmb yīnga."—1 Pū. 5:2, 3; **karm-y 2 Korēnt dāmb 1:24.**

¹² A Zeova siglgā pa sōdg filim-dāmbā, ze-video, sēb la mizik-rāmb nins sēn pa sōma wā ye. Bōe yīnga? Bala, Biiblā sagenda d fāa tu d modg n yu neb sēn bū, la 'sēn mi sōma ne wēng n bake.' (Heb. 5:14) Biiblā tara sagls kiris-ned sēn tōe n tik n bāng reem sā n yaa sōma bū pa sōma. Būmb fāa pugē, d segd n bao n 'bānga sēn tat Zu-soabā yam.' (Ef. 5:10) Biiblā wilgame me tu zak-soben-dāmbā tara noor b zagsā rāmb zugu. Rēnd zak-soab tōe n gudga reem kēer a zakā pugē. —1 Kor. 11:3; Ef. 6:1-4.

¹³ Biiblā sagls nins yell d sēn gomā tōe n sōng-d-la zīis a taab wēngē me. Wala makre, nebā raab yaa toor-toor futā yeelgr la mengā manegr wēngē. Yaa woto me tūbsgā la rūbā wēngē. La neb kēer tōe n wa

12, 13. a) Wān to la a Zeova Kaset rāmbā tōe n bāng reem sā n yaa sōma bū pa sōma? b) Zī-bus wēngē la Biiblā sagls nins yell d sēn gom sull 12 pugē wā tōe n sōng-dō?



D pa segd n wē no-koeemd ne sūdā kūsdb ye
(Ges-y sull 10)

ratame tu b taabā maan wa bāmba, tu rē tōe n wa ne no-koeema. Rēnd zī-kāens wēngē, kiris-ned sā n maand būmb tu pa kūsdb Biiblā noyā, baa sā n pa zems tōnd raabā, d pa segd n wē no-koeemd ye. Bala, “Zu-soabā tum-tumd ka tog n maan zabr ye. A tog n yu sū-bugsem soab ne nebā fāa.”—2 Tīm. 2:24.

D ZĀAG D MENS NE TŪUD-N-TA-WĒNSE

¹⁴ Bōe me la sēn yet-b tu b yaa a Zeova rēndā tōe n maan n wilg tu b basa tum-wēnse? Yaa b sēn na n zāag b mens ne tūud-n-ta-wēnse. A Poll goma rē yelle. A sēn gom ‘Wēnnaam yēbgr sēn yalsd kān-kāe’ wā yell poore, a ruka makr n gom ro-kāseng yelle. A yeelame: “Do-kāseng pugē, ka laas sēn maan ne sānem la wanzuri bal n be be ye. Laas sēn

14. Mak-bug la a Poll ruk n wilg tu d segd n zāaga d mens ne tūud-n-ta-wēnse?

maan ne daad la tānd me bee be. Kēer tara waoogre, la kēer tumd yaa rēgdo.” (2 Tīm. 2:20, 21) Rē poore, a Poll sagla kiris-nebā tu b “zīnd pu-peelem,” n lak b mens ne laas nins tumd sēn yaa rēgdā sēn makd b rāmbā.

¹⁵ Makr ning a Poll sēn dukā vōor yaa bōe? A maka tigingā ne ‘do-kāsenga,’ tu tigingā neb la ‘laasā.’ Roog pugē, laas kēer tōe n dēgmame, tu f sā n ning ruub n dū bu tōe n wa ne bāase. Roogā soab na n welga la-kāens ne laas nins sēn yaa yulmā, wala makre, a sēn tar b rāmb n segendē wā.

¹⁶ Yaa woto me ne tōndo. D sā n dat n kell n yu yulem būmb fāa pugē, d pa segd n tū tigingā neb nins sēn pa tūud a Zeova saglsā sōma wā ye. **(Karm-y 1 Korēnt dāmb 15:33.)**

15, 16. Makr ning a Poll sēn dukā zāmsda tōnd bōe?

D sã n segd n gũusa ne neb kēer sēn *be tigingã pvgē*, tũud-n-ta-wēns nins sēn *pa be tigingã pvgē* wã la d segd n gũus ne n yũda. Bala, b wusg yaa ligd nongdba, ba-rãmb la ma-rãmb kũsdba, tēn-kān-neba, puto-rãmba, nin-sōamyã kisgdba, zãmb dãmba, la wuk-m-mens rãmb sēn nong dũniyã sũ-noog n yũd Wēnnaam. —2 Tũm. 3:1-5.

A ZEOVA NINGDA SĒN SAKD-B YĒ NE B SŪY FĀA WĀ BARKA

¹⁷ Biiblã wilga Israyell nebã manesem sēn yũ to-to b sēn wa n yeel-b tu “b zãag ne a Koore la a Datã la a Abiram yiyã.” Kibarã wilgame tu ‘nebã zãagame.’ (Söd. 16:24, 27) B pa maan maas-maas ye. B tũu bũmb ning b sēn yeel-bã, n loog tao-tao. Nin-buiidã saka ne b sũy fãa, n wilg vēeneg tu b *be a Zeova poorē*, la tu b *pa be ne kũsdbã* ye. Kiba-kãngã zãmsda tōnd bōe?

¹⁸ Tōnd ne a Zeova zoodã tara yōodo, tu bũmb sã n wa rat n sãam-a bũ d segd n yũ tao-tao n maan d sēn tōe fãa n kogl-a. Yaa rē la a Poll sēn sagl a Tũmote t’a ‘*lak ne yãadem datem-wēngã*.’ (2 Tũm. 2:22) Tōe tu wakat kãng t’a Tũmote ra tara yuum 30 la zaka. La baa kãsembã me mi n tara ‘yãadem datem-wēnse.’ Ratem kãens yamleog sã n da wa rat n kē a Tũmote, a segd n laka ne-ba. Woto rat n yeelame t’a ra segd n kiswa tuum-wēnse. A Zezi kōo saglg sēn wōnd woto. A yeelame:

17. Wãn to la Israyell nebã wilg tu b pa be ne kũsdbã?

18. A Poll sēn sagl a Tũmote t’a ‘*lak ne yãadem datem-wēngã*’ vōor yaa bōe?

“Fo nif sã n dat n maan foom tu f luu, bũ f feog-a n lob yũga.” (Mat. 18:9) Rũndã-rũndã, wãn to la kiris-ned tōe n wilg t’a tũuda sagl-kãngã? A sã n wa mik tu bũmb n dat n sãam yē ne Wēnnaam zoodã, a yuta tao-tao n maan bũmb tu zoodã ra sãam ye.

¹⁹ Wãn to la kiris-neb kēer kogend bãmb ne a Zeova zoodã? Sãnda sēn da yaa rãamã yembs yãka yam n pa le yũud baa bilf ye. Kēer yãka yam n pa maand bũmb kēer n kokd pemsem ye. Bala, baa bõn-kãens sēn pa wēngã, tōe n kēesa tuls-wēns b yamē wã. (Yũl 101:3) Wala makre, saam-biig a ye wilgame tu nand t’a lebg a Zeova Kaset soaba, a ra nonga saogga. A sēn da kēnd soaare-rãmb ninsã pusē, b saooda sao-yoodo. La masã, a yãka yam n pa le saoodē ye. Baa tigingã neb sã n maan soaare, a pa saood ye. A yēesda rē na wa n kut t’a le tall tags-yood la tuls-wēnse. La woto pa rat n yeel tu kiris-nebã segd n basa rãam, saog la bũmb a taabã zãng-zãng ye. La d fãa segd n gũusame n da wa maan bũmb sēn na n sãam tōnd ne a Zeova zoodã ye.

²⁰ D sēn paam n yaa a Zeova Kaset rãmbã yaa zu-zēkre. La d miime tu rē baooda modgre. D segd n ‘basa wēng n maan neere.’ (Yũl 34:15) Yaa sud tu pa wakat fãa la woto yaa nana ye. La d miime tu wakat buud fãa, a Zeova nonga a meng nebã sēn sakd-a wã. Woto pa kengd d raood suda?—2 Tũm. 2:19; **karm-y 2 Kibay 16:9a.**

19. Wãn to la kiris-neb kēer kogend bãmb ne a Zeova zoodã?

20. Pa wakat fãa la ‘bas wēng n maan neerã’ yaa nana ye. La bōe n kengd d raoodo?



“Yāmb yaa mam kaset dāmba”

‘A Zeova yeelame: “Yāmb yaa mam kaset dāmba.” ‘ –EZAI 43:10.

YU KASET soab rat n yeelame tu bōe? Sebr a yembr wilgame tu “kaset soab yaa ned sēn yā būmb sēn maane, la sēn togsd rē sēn yu to-to wā.” Afirikdisiid zornall a ye sēn sung n yit na maan yuum 160 la b boond tu *The Witness* sēn dat n togs tu kaset soaba. Yuurā zemsame. Bala, zornall segd n togsda yelā sēn sud yu to-to wā. Sēn sung-a zornallā yeelame tu bāmb na n togsda sud woo sud bala.

² Zu-buko, pa wakat fāa la kiba-kutbā togsd sud zāng ye. D nee vēeneg tu b pa togsd sud Wēnnaam la a sēn maand būmb ninsā zug ye. La a Zeova sēn yaa yīngr la tēng naabā pud n pa teeg kiba-kutbā tu b gom a yuur yīng ye. A yeela no-rēes a Ezekieḷḷ woto: ‘Buud a taabā na n bāngame tu m yaa a Zeova.’* (Eze. 39:7) A tara Kaset rāmb na maan milyō a nii sēn gomd a yell dūniyā gill zugu. Nin-kāensā togsda nebā būmb nins Wēnnaam sēn maan pīnd wēndē, la a sēn maand rūndā-rūndā me. Sēn paase, b moondame n wilgd bōn-sōma nins a sēn pulem tu watē wā. Ezai 43:10 pugē, a Zeova goma

* Ziis nins hebre wā Biibl sēn ning “Zeova” wā, moorā Biibl ningdame tu “Zu-soaba.” La sōs-kāngā pugē, d na n ledga “Zu-soabā” ne “Zeova” ziis nins fāa sēn segdā.

1, 2. a) Yu kaset soab rat n yeelame tu bōe, la bōe la kiba-kutbā pa maanda? b) Bōe yīng t’a Zeova pa teeg kiba-kutbā tu b gom a yuur yīnga?

WĀN TO LA Y NA N LEOKE?

Bōe la Israyell nebā ra maand tu wilgdē tu b yaa a Zeova Kaset rāmba?

Wēnnaam yuurā rat n yeelame tu bōe?

Wān to la d tōe n wilg tu d sēn paam n yaa a Zeova Kaset soabā noom-d lame?



Roagdbā sā n gomd a Zeova yell ne b kambā, waoogda a yuurā
(Ges-y sull a 5, 6)

nin-kāens yelle, n yeel woto: “Yāmb yaa mam kaset dāmba, la mam tum-tumdb mam sēn yāke.” Sā n yaa koεεgā mooneg n pak tōnd n yūda, d wilgdame tu d sud yaa a Zeova Kaset rāmba.

³ A Zeova yuurā paada wakat fāa, bala, yē n yaa ‘Rīm sēn so zāmaan fāa’ wā. A meng yeelame: “Nebā na n boola maam ne yu-kāng zāmaan fāa.” (1 Tīm. 1:17; Yik. 3:15) D sēn paam n yaa a Zeova Kaset rāmbā yaa zu-zēkr meng-menga. Yu yuumd 1931 wā la Biiblā Zāmsdb wilg tu b ratame tu b boond-b t’a Zeova Kaset rāmba. Rē poore, b wusg gulsa leta n wilg b sū-noogo. Wala makre, Kanada tiging a ye neb n guls n wilg tu b sēn wum tu b na n boonda bāmb t’a Zeova Kaset rāmbā, yu-b-la

3, 4. a) Yuum-bug la Biiblā Zāmsdb wilg tu b ratame tu b boond-b t’a Zeova Kaset rāmba, la rē poore, b wusg manesem yu wāna? (Ges-y sōsgā sungre fotā.) b) Sogs-bus la d na n leoke?

noog wusgo, la kut tu b maneg n dat n moon koεεgā n pēg a Zeova.

⁴ Wān to la y tōe n wilg tu y sēn paam n yaa a Zeova Kaset soabā noom-y lame? La wān to la y tōe n tik a Ezai sebrā n wilg būmb ning sēn kut t’a Zeova boond tōnd t’a Kaset rāmbā?

WĒNNAAM PĪND WĒNDĒ KASET RĀMBĀ

⁵ A Zeova ra yāka Israyell buudā neb tu b yaa a Kaset rāmbā. B ned kam fāa ra segd n goma a yelle. (Ezai 43:10) Wala makre, roagdbā ra segd n wilga b kambā būmb nins Wēnnaam sēn maan tu loogā. A Zeova ra yeela roagdbā tu b gom Pakā yell ne b kambā. A yeela woto: ‘Yāmb kambā sā n sok yāmb tu minun-kāng yāmb sēn maandā vōor yaa bōe? Dē, bu y leok bāmb yaa: “A yaa Pak

5, 6. a) Israyelle, wān to la roagdbā ra gomd a Zeova yelle? b) Bōe me la b ra segd n maane, la bōe yīng tu rūndā-rūndā roagdbā segd n duk b togs-n-taare?

maoongo, a Zeova waoogr yīnga. Tu bōe, bāmb loogame n bas Israyell nebā rot Ezipt soolem pugē, wakat ning bāmb sēn da wē Ezipt rāmbā, la bāmb fāaga tōnd yiya.” ‘ (Yik. 12:26, 27) Roagdbā ra wilgda b kambā me t’a Moiz sēn wa n tu kos a Faraō t’a bas Israyell nebā tu b tu waoog a Zeova rasempuugē wā, a zāgsame, n sok woto: ‘A Zeova yaa bōe tu mam na n kelg bāmb koeg n bas Israyell nebā tu b looge?’ (Yik. 5:2) B ra wilgda b kambā a Zeova sēn maan to-to n wilg a Faraō tu yē la Wēnnaam sēn ka to wā. A kutame tu tood piig nams Ezipt nebā. A kogla Israyell nebā mog-miuugē wā, la a kut tu koomā r Ezipt sodaasā. Israyell nebā yāame t’a Zeova n sud yaa Wēnnaam, la t’a pidsda a pulemsā fāa.

⁶ Israyell neb nins sūr sēn da noom ne b sēn paam n yaa a Zeova Kaset rāmbā ra wilgda b kambā bōn-kāsems nins a Zeova sēn maanā, la b wilgd sāamb nins sēn da yaa b yembsā me. Sēn paase, b ra segd n sōnga b kambā tu b tū Wēnnaam noyā n yu yulem būmb fāa pugē. A Zeova yeelame: ‘Bū yāmb welg toor mam yīng n yu pu-peelem dāmba. Tu bōe, mam sēn yaa a Zeova sēn yaa yāmb Wēnnaamā welga toor n yaa pu-peelem soaba.’ (Maan. 19:2; Tōo. 6:6, 7) Rūndā-rūndā, kiris-neb nins sēn tar kambā me segd n maana woto. B segd n sōng-b lame tu b tū Wēnnaam noyā, tu waoog a yu-kāsengā.—**Karm-y Yelbūn 1:8; Efēz rāmb 6:4.**

⁷ Israyell nebā sā n da sakd Wēnnaam, a ningd-b-la barka, tu tēn-yagsā neb sā n getē b b neē t’a Zeova kogenda a nin-buiidā. (Tōo. 28:10) Zubbuko, Israyell nebā ra wae n kusda a

7. a) Israyell nebā sā n da sakd a Zeova, bōe la tēn-yagsā neb na n neē? b) Bōe la neb nins sēn gomd a Zeova yuur yīngā segd n maane?

Zeova. Naoor wusgo, b basa a Zeova n waoog Kanaā wēnnaam-dāmbā sēn yaa bōn-naandsā. Rē kutame tu b lebg nin-toose, n da rukd b kamb n kuud maand la b namsd naong rāmbā. Woto zāmsda tōnd būmb sēn tar yōodo. Wilgdame tu d segd n duka a Zeova sēn yaa sōngā togs-n-taar n kisg ziri tūudmā, bala, d gomda a yuur yīnga.

“GESE, MAM NA N MAANA BŌN-PAALGA”

⁸ A Zeova reng n togsame tu b na n yōga Israyell nebā n kēng yembdo, la t’a ‘na n maana bōn-paalg’ n yiis-b yembdē wā. (Ezai 43:19) Ezai sak a 1 n tāag a 6 gomda Zerizalem ne a tēn-bōonesā sāoong yell n yuda. A Zeova sēn mi sēn be ninsaalbā sūyē wā yeela a Ezai t’a kell n moon koe-kāense, baa a sēn mi tu Israyell nebā pa na n tekā. Woto linga a Ezai, t’a bao n na n bāng Wēnnaam nin-buiidā sēn na n kuus-a n tāag wakat ninga. Tu Wēnnaam yeel-a woto: “Hal tu tēngā sāame, tu neb ka leb n be be ye, la hal tu nebā yiy lebg raboodo, la tu tēngā fāa sāam n lebg suddd.”—**Karm-y Ezai 6:8-11.**

⁹ A Ezai sunga mooneg yuumd 778 sēn deng a Zezi rogmā, rat n yeel tu rīm a Ozias naamā baasgē. A kell n moona na maan yuum 46, n tāag yuumd 732 sēn deng a Zezi rogmā, rīm a Ezekias naamā sasa. Yu yuum 125 sēn deng Zerizalem sāoongā sēn zīnd yuumd 607 sēn deng a Zezi rogmā. Rēnd a Zeova keooga Israyell nebā yuum wusg nand tu sāoongā ta. Rūndā-rūndā me,

8. Bōe la a Zeova yeel a Ezai t’a maane? A Ezai manesem yu wāna?

9. a) Yuum-bug la b sāam Zerizalem wa a Ezai sēn deng n togsā? b) Rūndā-rūndā, bōe la Wēnnaam nin-buiidā moond n wilgd nebā?

Yuur vōor sēn tagme

Yuurã sēn dat n yeelga

“A kutdame tu yu”

Bōe yīng tu yaa yē bal n zems ne yu-kāngã?

- A Zeova n naan būmbã fāa
- A maanda būmb ning fāa sēn yaa tulae sēn na yul t'a raabã pidsi

Yuurã wilgda tōnd bōe a mengã zugu?

- A raabã pidsg yīnga, a tōe n yu a sēn dat fāa
- A tōe n kutame t'a bōn-naandsã maan būmb ning fāa sēn yaa tulae sēn na yul t'a raabã pidsi
- Būmb ka be a sēn pa tōe n maan a raabã pidsg yīng ye

a Zeova kutame t'a nin-buiidã moond n wilgd būmb nins sēn watã. Na maan yuum 135, *Gūusg Gasgã* pugē, b wilgda nebã tu ka la bilfu, a Svutāan pa na n le ru naam dūniyã zug ye. Na n lebga a Zezi Kirist n dut naam.—Wil. 20:1-3, 6.

¹⁰ Zvuf-rāmb kēer pōsa Zerizalem sãongã sasa. B kelga a Zeova, n sak Babilon rīmã noor t'a tall-b n kēng Babilon. (Zer. 27:11, 12) Yuum 70 loogr poore, a Ezai bāngr-gomd a to n pids tu naf nin-kāensã kēere. A yeela woto: ‘A Zeova sēn yaa yāmb fāagd la sēn yaa Israyell Sōng-Soabã yeelame: “Yaa yāmb yīng la mam tumd beyã Babilon.

10, 11. Israyell nebã sēn da be Babilonnã yāa bāngr-gom-bug pidsgu?

Mam na n kaoo bi-bees rotã sogdsã fāa.”—Ezai 43:14.

¹¹ Yuumd 539 sēn deng a Zezi rogmã, a Zeova maana bōn-kāseng n pids bāngr-gomdã. Yu yuum-kāng zī-likr kiuugã yung a ye, tu Babilon rīmã ne a nin-kāsemsã ra maand kibs b wēnnaam-dāmbã yuur yīnga. B pud n talla laas nins b sēn da wuk Zerizalem wēnd-doogã pugē wã n yū rāam. La yun-kāng bala, rīm a Sirus ne a tãb-biisã tōoga Babilon nebã, n deeg b soolmã. Yuumd 538 bt 537 sēn deng a Zezi rogmã, a Sirus kōo zvuf-rāmb sor tu b kuil b ba-yirã, n tu lebs n me Zerizalem wēnd-doogã. B so-toakã sasa, a Zeova kogl-b lame. Yelã sud yu wa a Ezai sēn deng n togsã bal kepɪ. Nin-buiidã sēn wa n yã tu Zerizalem wēnd-doogã lebs n me n saame wã, b bāngame t'a Zeova n sud yaa Wēnnaam, la t'a pidsda a pulemsã fāa. A Zeova yeelame tu zvuf-rāmb nins sēn lebq n wa Zerizalemmã yaa ‘neb a sēn naan a meng yīnga,’ la tu b ‘na n pēga yēnda.’—Ezai 43:21; 44:26-28.

¹² Israyell nebã sēn wa n lebd Zerizalemmã, sãamb tusa n tū-ba. Kaoosg zugē, sãamb wusg me n tūub n sak zvuf-rāmbã tūudum. (Es. 2:58, 64, 65; Est. 8:17) Rūndã-rūndã, kuvn-kāseng n teend kiris-neb nins sēn paam vuusem sōng zaeebã sēn yaa “Israyell sēn yaa Wēnnaam dēndã.” Nin-kāens naaga a Zezi sēn boond-b rāmb t'a “piis a taabã.” (Wil. 7:9, 10; Zã 10:16; Gal. 6:16) Kiris-neb nins sēn paam vuusem sōng zaeebã ne a Zezi “piis a taabã” fāa yaa a Zeova Kaset rāmba.

12, 13. a) Israyell nebã sēn wa n lebd Zerizalem n na n tu me wēnd-doogã, ānd dāmb n tū-ba? b) Bōe la a Zezi “piis a taabã” segd n maane, la b saagd n na n wa maana bōe?

¹³ Dūni-paalgā pugē, kuvn-kāsengā neb na n maana būmb sēn be yamleoogo. B na n paam n wilga sēn na n vuug-bā b sēn maan to-to n kell n yu a Zeova Kaset rāmb dūniyā yaoolem wakatā. La d sã n dat n wa tōog n maan dē, d segd n modg n kell n yu yulem būmbā fāa pugē. La baa d sēn modgd to-to n na n tū a Zeova noyā, daar fāa d tudgdame. Rēnd daar fāa, d segd n puusa a Zeova n kos sugri. D sã n kell n yu yulem būmb fāa pugē, d wilgdame tu d sēn paam n gomd a Zeova yuur yīngā noom-d lame.—**Karm-y 1 Zā 1:8, 9.**

WĒNNAAM YUURĀ SĒN DAT N YĒELGA

¹⁴ D sã n bāng Wēnnaam yuurā sēn dat n yēelga, d manegd n kusa sud tu b sēn boond tōnd t’a Zeova Kaset rāmbā yaa zu-zēkre. “Zeova” wā yuta hebre gom-bil pugē, tu gom-bi-kāng vōor yaa “kut tu yu.” Rēnd d tōe n yeelame tu Wēnnaam yuurā vōor yaa: “A kutdame tu yu.” A sēn pud a meng yu-kāngā wā yaa tu sōngda tōnd tu d bāng-a n paase. Wilgdame tu yē n naan būmbā fāa, la t’a sã n yeel t’a na n maana būmbu, kUSD kae n tōe n gudg-a ye. Baa a Sutāan mengā pa tōe ye.

¹⁵ A Zeova wilga a Moiiz a yuurā sēn dat n yēelga. A sēn wa n na n tum-a t’a tu yiis Israyell nebā Eziptā, a yeela woto: “Mam na n yu mam sēn dat n yu a soaba.” A paasame: “Ad būmb ning fo sēn na n yeel Israyell kambā: ‘A Mam na n yu tuma maam yāmb nengē.’ ” (Yik. 3:14, MN) Rēnd a Zeova raabā pidsg yīnga, a tōe n yu a sēn dat fāa. A maana woto ne Israyell nebā sēn da be

14. Zeova wā rat n yeelame tu bōe?

15. A Zeova sēn yeel a Moiiz būmb ningā sōngda tōnd tu d bāng bōe? (Ges-y zī-gūbr ning gom-zug sēn yaa: “Yuur vōor sēn tagme.”)

yembdā, n lebg b Fāagda, b Koagenda, b Sor-wilgda, la a sōng-b tu b paam būmb nins sēn da yaa tulae ne-bā.

D WILG TU D SĒN PAAM N YAA A ZEOVA KASET RĀMBĀ NOOM-D LAME

¹⁶ Rūndā-rūndā, a Zeova ket n tumdame tu zemsd ne a yuurā sēn dat n yēelgā, n sōngd tōnd tu d bāngd yē la a raabā, la a kōt-d būmb nins sēn yaa tulae ne-dā. La a yuurā vōor pa rat n yeel t’a lebgda a sēn dat bal ye. Rat n yeelame me t’a tōe n kutame t’a bōn-naandsā maan būmb ning fāa sēn yaa tulae sēn na yul t’a raabā pidsi. Wala makre, a kutame t’a Kaset rāmbā tumd a tumdā. D sã n bugs yāoā zugu, d na n dat n kell n yu a Kaset rāmba. Wala makre, a Kare yaa saambiig sēn be Norvēez n tar yuum 84. A sēn yaa a Zeova Kaset soabā yuum 70 la woto. A yeelame ‘t’a sēn paam n tūud a Zeova sēn yaa zāmaan fāa Rīmā, n yaa a Zeova Kaset soabā yaa zu-zēkre.’ A paasame tu ‘yē sēn paam n tōe n wilg nebā Biiblā sēn yetā, la a yā rē sēn kōt-b sū-noog to-to wā noom-a-la wusgo. Wala makre, a sã n wilgd ned Kiristā sēn ki tu yu maoongā vōore, la tu rē maasem yīnga, d tōe n wa paam n vūmda wakat sēn kōn sa dūni-paalgā pugē, noom-a lame.’

¹⁷ Tēns kēer pusē, yul n paam ned sēn dat n bāng a Zeova pa nana ye. La d sã n wa paam baa yaa nin-yeng sēn dat n bāng a Zeova, noom-d-la wusg wa a Kare. La wān to la d tōe n yu a Zeova Kaset rāmb la d yaa a Zezi kaset rāmb me? Sōsg ning sēn pugdā gomdā rē yelle.

16, 17. a) Wān to la d tōe n wilg tu d sēn paam n yaa a Zeova Kaset soabā noom-d lame? b) Bōe yell la sōsg ning sēn pugdā na n gome?



‘Yāmb na n yu mam kaset dāmba’

*“A Zezi leoka bāmb yaa: ‘. . . Yāmb na n yu mam
kaset dāmb . . . dūniyā tek fāa.’ ” —TUU. 1:7, 8.*

WĀN TO LA Y NA N LEOKE?

Wān to la a Zezi tum tu zems
ne a yuurā?

Bōe yīng t’a Zezi yeel a
karen-biisā tu b na n yu
yē kaset rāmba?

Bōe yīng tu d kūs sūd tu d
na n kell n talla raood n
moon koegā?

B SĒN wa n kaood a Zezi buudā, a talla raood n yeel Zide guverneer a Pōos Pulat woto: “Yaa bōn-kāng yīng la mam dog-yā, la yaa bōn-kāng yīng la mam wa dūniyā n na n kūs sūd kaseto.” (**Karm-y Zā 18:33-37.**) Yuum a wān poore, tum-tumd a Poll goma a Zezi yelle, n yeel t’a ‘kusa kaset neer a Pōos Pulat taoore.’ (1 Tum. 6:13) Dūni-kāngā sēn be a Sūtāan nugē tu nebā wusg kis taabā, d sā n dat n duk a Zezi sēn yaa ‘kaset soab sēn yaa turg la sūdā’ togs-n-taare, d segd n talla raoodo. —Wil. 3:14.

² A Zezi sēn da yaa zutfā, a rogame n yaa a Zeova kaset soaba. (Ezai 43:10) A pud n yu Wēnnaam kaset soab ning sēn yug a taabā fāa wā. A tumame tu zems ne yuur ning Wēnnaam sēn kō-a wā. Malekā sēn wa n na n togs a Zezi ba-wubdg a Zozef t’a Maari sēn tutā yaa ne vuusem sōng pāngā, a yeelame: “Yē na n doga bi-ribla tu f pud a yuur t’a Zezi. Yaa yē n na n fāag a nebā ne b yel-wēnā.” (Mat. 1:20, 21) Biibl-mitbā wilgame

1, 2. a) Ānda la a Zeova kaset soab ning sēn yuud a taabā fāa wā?
b) A Zezi yuurā vōor yaa bōe, la wān to la a tum tu zems ne a yuurā?

t'a Zezi yuurã vōor yaa: "A Zeova yaa Fāagda." Sud me, a Zezi ra yeta "Israyell nebã sēn wēnd wa piis sēn menemã" tu b tek yam n kos sugri, n paam a Zeova lohorem. (Mat. 10:6; 15:24; Luk 19:10) Yaa rē n so t'a ra moond Wēnnaam Rīungã koεeg ne yēesem. Evānzill gulsd a Mark yeela woto: "A Zezi kēnga Galile n moond Wēnnaam koe-noog n yetē: 'Wakat taame, la Wēnnaam soolem kolgame. Bt y tek yam n bas y yel-wēnã n tē koe-noogo.' " (Mark 1:14, 15) Sēn paase, a Zezi talla raodo, n puk zulf-rāmbã tūudmã taor dāmb bāongo. Yāoã naaga buum nins sēn kut tu b ku-a wā soka.—Mark 11:17, 18; 15:1-15.

"WĒNNAAM TUUM-KĀSEMSĀ"

³ A Zezi kūumã rasem a tāab poore, yel-solemd n maane. A Zeova vuug-a lame. Pa sēn na yul t'a le lebg ninsaal ye. A kutame t'a lebg maleka. (1 Pt̃. 3:18) A Zezi vēnega a meng t'a karen-biis yā-a, n bāng t'a vuugame. A vuugrã raar bala, a vēnega a meng na maan naor a nu. —Mat. 28:8-10; Luk 24:13-16, 30-36; Zã 20:11-18.

⁴ A Zezi sēn wa n na n vēneg a meng naor a nu soabã t'a tum-tumdbã ne neb a taab n da tigim taaba. A sōsa ne-ba, n sōng-b tu b bāng tu Gulsg Sōamyã ra reng n wilgame tu yē na n kiime n lebs n

3. A Zezi kūumã rasem a tāab poore, bōe n maane?

4. A Zezi vuugrã raare, a sōnga a karen-biisã tu b bāng bōe, la a wilgame tu b segd n maana bōe?

vuuge. Rē poore, a wilg-b-la b sēn segd n maane. A yeela woto: "Neb na n sunga Zerizalem n moon yam tekr ne sugr kosg la yel-wēnã sugr koεegã ne [mam] yuur buudã fāa soka." A paasame: "Yāmb yaa bōn-kāens kaset dāmba."—Luk 24:44-48.

⁵ Rasem 40 a Zezi vuugrã poore, a vēnega a meng t'a tum-tumdbã yā-a b yaolem soaba. Yaa vēneg tu so-kāngã, a tum-tumdbã wuma a sēn da yeel tu b segd n mooname wā vōore. Bala, a yeel-b-la woto: 'Yāmb na n yu mam kaset dāmb Zerizalem, ne Zide la Samari ne dūniyã tek fāa.' (Tuv. 1:8) A Zezi karen-biisã sēn da yaa Israyell nebã, b ra zoe n yaa a Zeova kaset rāmba. La a gomdã wilgdame tu b segd n yu yē kaset rāmb me. Bōe yīng t'a yeel woto?

⁶ B ra segd n mooname n wilg tu yaa a Zezi maasem yīng la a Zeova fāagd ādem-biisã. Fāag-kāng yōod yuda a sēn da fāag Israyell nebã pīnd wēndē wā. A Zezi Kirist kūumã la a vuugrã paka sor tu ninsaalbã tōe n paam b mens ne yel-wēndã la kūumã. Yuumd 33 Pāntekotã daare, a Zezi karen-biisã paama vuusem sōngã zaebo, n moon n wilg "Wēnnaam tuum-kāsemsã." Neb nins sēn kelgã wusg teka yam n tē a Zezi maoongã. Rē teka, a Zezi zĩ a Ba wā rutgo, t'a Zeova fāagd neb tusa tēngã zug a yuurã maasem yīnga.—Tuv. 2:5, 11, 37-41.

5, 6. a) Bōe yīng t'a Zezi yeel t'a karen-biisã na n yu yē kaset rāmba? b) B segd n mooname n wilg nebã bōe?



A KŌ A VLLMĀ “NEB WUSG YĪNGA”

⁷ Būmb nins sēn maan yuumd 33 Pāntekotā daarā wilgdame t’a Zeova saka a Zezi maoongā sēn zems zāngā, tu tōe n lud yel-wēnā. (Heb. 9:11, 12, 24) A Zezi meng ra yeelame tu ‘yē ka wa tu neb sōng-a ye, a waame n na n sōng nebā, la a kō a vuum tu yao neb wusg yīnga.’ (Mat. 20:28) Yaa zvuf-rāmbā bal la a Zezi maoongā nafd bu? Ayo. A Zezi maoongā ‘yiisda dūniyā yel-wēnā.’ Wēnnaam ‘datame tu nebā fāa paam fāagre.’—Zā 1:29; 1 Tūm. 2:4-6.

⁸ A Zezi pipi karen-biisā kell n moona koegā ne raodo. Bōe n sōng-ba? B ra pa teeg b mens ye. B pvusa a Zeova n kos a vvusem sōngā, n paam raood n kell n moone. **(Karm-y Tuum 5:30-32.)** Yuum 27 a Zezi karen-biisā sēn sung

moonegā poore, b tōog n moona “Koe-noog sēn yaa sud koegā” zvuf-rāmbā la bu-zēmsā neb “dūniyā fāa.”—Kol. 1:5, 23.

⁹ Zu-buko, kiris-neb n wa n zāmsd b taabā sēn pa sūda. (Tuv. 20:29, 30; 2 Pte. 2:2, 3; Ziid 3, 4) Bilf-bilfu, sudā kusg paama pāng tigimsā fāa pusē. A Zezi reng n wilgame tu sudā kusg na n talla pānga, hal n tāag “dūniyā sēeb wakate.” (Mat. 13:37-43) Yuumd 1914 zī-likr kiuugā, a Zeova kutame t’a Zezi lebg a Rīungā Rīma. Wakat kāng la a Svutāan dūniyā ‘yaoolem wakat’ sung-yā.—2 Tūm. 3:1.

¹⁰ Yuum 30 la zak nand tu yuumd 1914 ta, kiris-neb nins sēn paam vvusem sōng zaeabā bāngame tu yuum-kāng zī-likr kiuugā, bōn-kāseng n na n maane, n da moond

7. Būmb nins sēn maan yuumd 33 Pāntekotā daarā wilgda bōe?

8. Bōe n sōng a Zezi pipi karen-biisā tu b kell n moon koegā, la bōe la b tōog n maane?

9. Bōe n wa n maan kiris-nebā soka?

10. a) Sēn paam-b vvusem sōng zaeabā ra moondame n yetē tu bōn-kāseng n na n maan yuum-bugo? b) Bōe n maan yuumd 1914 zī-likr kiuugā, la bōe n wilgd rē?



D sēn yaa a Zezi karen-biisā, d wilgda nebā
a Zeova sēn pulem būmb ninsā
(Ges-y sull a 5, 6)

n wilgd nebā. Yaa a Daniell bāngr-gomd la b tik n bāng rē. Bāngr-gomdā goma tu-wok b sēn keeg n lub yelle, tu “wakat a yopoe” sā n loog bu a na n le tobe. (Dan. 4:13) A Zezi sēn wa n gomd yē waoongā la ‘dūniyā sēeb wakat’ yellā, a boola “wakat a yopoe” wā tu ‘bu-zēmsā wakate.’ Yuumd 1914 teka, yelā sēn yaa to-to dūniyā zugā wilgdame t’a Zeova kutame t’a Zezi lebg Rīma. (Mat. 24:3, 7, 14; Luk 21:24) Yuum-kāng teka, koe-kāng naaga “Wēnnaam tuum-kāsemsā” d sēn moondā suka.

¹¹ A Zezi Kirist sēn lebg Rīmā poore, a maana būmb toor-toor n fāag a karen-biis nins sēn paam vuusem sōng zaeebā “Babilon-kāsengā” yembd pugē. (Wil. 18: 2, 4) Yuumd 1919 wā, dūni gill pipi zabrā loogr poor bilfu, sēn paam-b vuusem sōng zaeebā paama

11, 12. a) Bōe n maan yuumd 1919 wā?
b) Bōe n lebg vēeneg yuumd 1935 wā?
(Ges-y sōsgā sungre fotā.)

lohorem n na n moon dūniyā gill zugu. B mooname n wilg būmb nins Wēnnaam sēn maan n na n fāag ādem-biisā. Sēn paase, b wilgame t’a Rīungā sunga naam ruḅo. Woto kutame tu neb tusa bāng Wēnnaam la a raabā, n paam vuusem sōngā zaeeb n na n tu ru naam ne Kiristā saasē.

¹² Yuumd 1935 wā, lebgā vēeneg tu Kiristā sunga a “piis a taabā” tingu. Rūndā-rūndā, a Zezi piis a taabā yaa neb milyō-rāmb n be dūniyā gill zugu. Bāmb ne sēn paam-b vuusem sōng zaeebā rukda a Zezi togs-n-taare, n moond koegā ne raoodo. Piis a taabā me tēdame tu yaa a Zezi maoongā maasem yīng bal la Wēnnaam fāagd-ba. B miime tu b sā n kell n moon koegā la b kell n ta Wēnnaam yam, b na n wa pōsa “to-kāsengā” sasa, n vuumd dūni-paalgā pugē.—Zā 10:16; Wil. 7: 9, 10, 14.

D MOONDA KOE-NOOGĀ NE RAOODO

¹³ D sēn paam n moond n wilgd nebā “Wēnnaam tuum-kāsemsā” la būmb nins a sēn pulem tu watē wā yaa zu-zēkre. La pa wakat fāa la yaa nana ye. Neb kēer pa rat n kelge, tu sānda yaand tōnd wall b namsd tōndo. Sā n wa yaa woto, bu d tēeg tum-tumd a Poll ne a tūud-n-taasā

13. D sēn yaa a Zeova Kaset rāmbā, bōe la d rat n kell n maane, la wān to la d tōe n duk pipi kiris-nebā togs-n-taare?

yelle. A yeela woto: “Baa neb wusg sēn kūsā, tōnd Wēnnaam kōo tōnd daood tu d togs yāmb bāmb Koe-noogā.” (1 Tes. 2:2) Bt d ra koms raood ye. D sēn dat yaa d kell n yu a Zeova Kaset rāmba, n moond koe-noogā, t’a Sūtāan dūniyā me rabd a sāoong zīgē. (Ezai 6:11) D pa segd n teeg d mens ye. D ruk pipi kiris-nebā togs-n-taare, n puus a Zeova n kos a vuusem sōngā, n paam pāng ning a sēn kōtā.—**Karm-y 2 Korēnt dāmb 4:1, 7; Luk 11:13.**

¹⁴ Rūndā-rūndā neb milyō-rāmb n yet tu b yaa kiris-neba, la “ne bāmb tuuma, bāmb kūsda Wēnnaam. Bāmb yaa wēns tu looge, la nin-kūsdba, la neb sēn ka mi tum-sōma maaneg ye.” (Tut 1:16) D tēeg tu pipi kiris-nebā wakate, neb wusg ra kis-b lame. Rē n so tu tum-tumd a Pteer yeel-b woto: “Bark bee yāmb zutu, neb sā n gomd yāmb wēng Kirist yuurā yīnga, tu bōe, Wēnnaam . . . Sugā bee yāmb zutu.”—1 Pte. 4:14.

¹⁵ Nebā gomda a Zeova Kaset rāmbā me ‘wēng Kirist yuurā yīng’ bt? N-ye. Bala d pa gomd a Zeova yell bal ye. D gomda a Zezi yell me, n wilgd nebā t’a yaa Wēnnaam Rīungā Rīma. A Zezi meng sēn da gomd a Zeova yellā kutame tu b nams-a. A yeela a kūsdbā woto: “Mam waa ne m Ba yuure, la yāmb ka reeg maam ye.” (Zā 5:43) Rēnd b sā n wa namsd yāmb koe-moonegā yīnga, y pa tog n

koms raood ye. Bala, wilgdame tu y tata Wēnnaam yam, la t’a vuusem sōngā be ne-yā.

¹⁶ Tēeg-y me tu tēns wusg pusē, a Zeova Kaset rāmbā sōor paasdame. Baa tēns nins pusē d sēn moond wusgā, d ket n segda neb sēn dat n kelg koe-noogā. D sā n seg ned sēn sak n kelg bt d lebg n tu ges-a, t’a sā n dat bt d zāms-a Biiblā. Woto la d na n tōog n sōng-a t’a wa ruk a meng n kō Wēnnaam n deeg lisgu. D sā n maand woto, d paamda sū-noogo. Wala makre, a Sari vu Afirikdisiide, n yaa a Zeova Kaset soabā na maan yuum 60 la zaka. Ad a sēn yeele: “Ne a Zezi maoongā maasem, m yaa a Zeova sēn yaa yīngr la tēng naabā zoa. Woto noom-m-la wusgo. Mam sēn tōe n sōng nebā tu b bāng a yu-kāsengā noom-m lame me.” Yē ne a sud a Martines sōnga b kamb a tāabā ne neb a taab tu b lebg a Zeova Kaset rāmba. A paasame tu tumd a to ka be n wat ne sū-noog n ta koe-moonegā, la t’a Zeova kōta tōnd a vuusem sōngā tu d tar raoodo, n ket n moond fāagr koegā.

¹⁷ Y reega lisc n yaa a Zeova Kaset soab tu y modgdame n na n wa reeg lisc me, y sūur segd n yu noog y sēn paam n tigimd ne a Zeova Kaset rāmbā. Bt y kell n moon koegā ne yēesem, la y kell n yu yulem būmbā fāa pugē, t’a Sūtāan dūniyā ra rēgm-y ye. D sā n maan woto, waoogda d saasē Ba a Zeova, bala d gomda a yuurā yīnga.

14, 15. a) Nebā manesem da yaa wān ne pipi kiris-nebā, la bōe la tum-tumd a Pteer yeel-ba? b) B sā n wa namsd tōnd d sēn yaa a Zeova Kaset rāmbā yīnga, bōe la d segd n tēege?

16, 17. a) Tēns wusg pusē, bi-bus la a Zeova Kaset rāmbā koe-moonegā womda? b) Bōe la y rat n kell n maane?

Wān to la y tōe n kibl y kambā?

“A Zordan ra yiime, tu wakat ning d sēn yāk t’a segd n lebg n wa yirā loog t’a ket n nan pa wa ye. Ra yaa naoor a tāab-n-soab la a sēn maan woto. Mobill sā n watē fāa, m tagsdame tu yaa yē. M da sokda m meng woto: ‘A bee ye? Būmb n paam-a bu? A miime tu d maanda yuur sūda?’ A sēn wa n wa wā tu m sūurā yika wusgo.”—A ZORZE.

“Daar a ye, mam bi-puglā kelmame tu m yēes wusgo. M wēnemdame n mik a sēn pī a zugā n yābda. Ra yaa a yaoā sēn tar yuum a naasā n wē-a.”—A NIKOLLE.

“Tōnd yāa d bi-pugl a Natali sēn tar yuum a yoobā ne nug-bīng n sok-a, t’a yeele: ‘M pa zuk nug-bīngā ye. M yāame n duke.’ A yeela woto n bas n yas wa yell kae ye. D sūur sāama wusg tu d yābe, bala, d miime t’a yagdame.”—A ETLÉNNE.

Y SĀ N tara kamba, yel-kāensā buud zoe n paam-y lame bu? Y biig sā n wa maan woto, y sokda y meng y sēn tōe n kibl-a to-to, wall y sā n segd n kibl-a lame bu? Zemsame tu y subg y biig bu?

KIBLG YAA BŌE?

Biiblā pugē, b sā n gomd kiblg yelle, pa subgr yell bal la b gomd ye. B gomda zāmsgo, saglg la remsg yell me. Rēnd kibl f biig pa rat n yeel tu f nams-a ye.—Yelbūna 4:1, 2.

Biig wubr yaa wa zēed koobo. Zēedā soab na n koo zēedā zīiga, n zāgs koom la a ning birga. A na n puusa tum sēn na yul tu zūnzūy ra wābe, la a vō moodā. Sā n yaa tus kēer la a sel-yā, b sā n wa butē, tōe n yu tulae t’a yolem sēn na yul tu tees turg wa a sēn datā. Zēedā soab miime tu yaa a sēn na n maan woto fāa la zēedā wall turgā na n yu sōma. Roagdbā me

maanda būmb toor-toor n get b kambā yelle. La wakat ninga, biig sā n tar manesem sēn pa sōma, yaa tulae t’a roagdbā kibl-a n dems-a pīnda, wa b sēn yolemd tug sēn na yul t’a tees turgā. La ned sā n na n yolem tuga, a na n gūsame n da wa maan tu loog ye. Woto me, roagdbā segd n kibinda b kambā ne bugsem.

Wēnnaam a Zeova kōo roagdbā mak-sōng kiblgā wēngē. A kibinda neb nins sēn tūud-a wā sōma tu nafd-ba, hal tu Biiblā yeel tu b ‘nonga saglg’ bu kiblgū. (Yelbūna 12:1) La tu b sakda zāmsg bu kiblgū, n pa basd-a ye. (Yelbūna 4:13) Y sā n duk Wēnnaam togs-n-taar kiblgā wēngē, tōe n sōnga y biigā t’a sake. A sēn kibind a nebā to-to wā wēngē, būmb a tāab yell la d na n gome: 1) a maanda rē ne bugsem, 2) a yaa wumda, la 3) a pa toeemd a gomd ye.

KIBL-Y Y BIIGĀ NE BUGSEM

Yaa Wēnnaam sēn nong a nin-buiidā yīng la a sēn kibind-bā. Biiblā yetame: ‘Zu-soabā subgda b sēn *nong* a soab wa ned sēn subgd a bi-nongre.’ (Yelbūna 3:12) Sēn paase, a “yaa nimbāan-zoeta,” t’a “sūur ka yikd tao-tao ye.” (Yikri 34:6) Rē n so t’a pa na n subg ned ne toolem, a pa na n tu neda, n gom-a wall a yaal-a ye. Bala, goam a woto “zabda wa svug sēn wāag neda.”—Yelbūna 12:18.

La roagd ka be n tōe n duk Wēnnaam togs-n-taar kept yōk-m-mengā wēngē ye. Wakat ninga, y biig tōe n maana būmb tu yaa toog tu y yōk y menga. La tēeg-y tu y sã n subg-a ne sū-yikri, pa na n naf-a ye. Na n nams-a lame bala. Sēn paase, subg f biig ne sū-yikr wall sū-toog pa kiblg ye. F wilgame bal tu f pa tōog f meng ye.

La y sã n yōk y meng n kibl y biigā ne bugsem, na n naf-a lame. Bt d ges a Zorz ne a Nikoll sēn maan rē to-to. D goma b yell sōsgā sungre.

A Zorz yeelame: “A Zordan sēn wa n wa wā, maam ne m pagā fāa sūur da puudame, la

d yōka d mens n kelg-a. Ziigā sēn da zvugā kutame tu d yāk yam n na n bas tu beoogā vēeg tu d yaool n gom rē yelle. D naaga taab n puuse, la d kē n gāande. Vēkembeoogā, d sūurā sigame, tu d tōog n maag d yīns n sōs ne d biigā tu kē-a. A sak n deegame t’a kongame, la a wilg t’a na n wata pīnd masā. D bāngame tu d sã n yu tao-tao n gom ne sū-yikri, pa manegd yellā ye. La d sã n deng n maag d yīng n kelg d biiga, sōngdame.”

A Nikoll yeelame: “Mam bi-riblā sēn maan a tãoã būmb ningā yika m sūur wusgo. La ziig pugē, m yeel-a lame t’a kē roogē, bala sū-yikrā ra kutame tu m pa mi m sēn maandg ye. M sūur sēn wa n sigi, m wilg-a-la vēeneg tu nen-keglmā ka sōma, la t’a pogl a tãoã. M sēn maan woto wā sōng-a lame. A kosa a tãoã sugr la a mobg-a.”

Rēnd y sã n dat n kibl biig tu zemse, baa sã n wa yaa tulae tu y subg-a, segd n yu ne nonglem.

YU-Y WUMDA

Wakat fāa, a Zeova kibinda a nebā “ne turlēm.” (Zeremi 30:11; 46:28) A rengd n gesa

KELGD-Y Y BIIGĀ



NAAGD-Y-YĀ-A N PUUSDĒ



SŌSD-Y NE-A



Biiblā yetame tɿ y kibl y kambā . . .

Ne bugsem: Y segd n kibla y kambā ne bugsem, pa ne sū-yikr ye. Yell ning taoore, y sūur sā n yik bɿ y bas tɿ sigi, tɿ y yaool n kibl biigā.

N yɿ wumdba: Tags-y yelā sēn yaa to-to wā yelle, y biigā pān-komsem la a sēn wumd yelā vōor to-to wā yelle.

N da toeemd y gomd ye: Y sā n wilg y biigā būmb a sēn pa segd n maane, n yeel t'a sā n maane y na n subg-a lame, a sā n kɿs bɿ y subg-a.

yelā sēn sɿd yaa to-to wā, baa būmb nins sēn pa vēeneg nif gesg pugē wā. Wān to la roagdbā tōe n duk a togs-n-taare? A Etēn yeela woto: “A Natali sēn da kɿsd t'a pa zuk nug-bīngā sāama d sūur wusgo. La d taga a yuumā sēn paoodā yelle, n tēeg t'a pa wumd yelā vōor sōma ye.”

A Nikoll sɿd a Robēer me modgd n geta yelā sēn yaa to-to wā. A biig sā n maan būmb sēn pa segde, a sokda a meng woto: ‘Yaa būmb a sēn maan vugr bɿ, bɿ yaa minungu? A yaame bɿ, bɿ yaa a būmb n zabde? Yaa zu-loēeg la a tar bɿ?’

Roagd sēn yaa wumd miime tɿ kambā sēn tagsd to-to wā yaa toor ne kāsembā. Tum-tumd a Poll goma rē yelle, n yeele: “Mam sēn da yaa biigā, mam goamā ne m tagsgā la m yamā ra yaa biig rēnda.” (1 Korēnt dāmba 13:11) A Robēer yeelame: “M mi n tēegda m sēn da maand to-to m yāadmē wā, tɿ sōngd-m tɿ m tagsd neere, n pa maandē tɿ loog nug ye.”

Y segd n yɿ wumda, la pa rat n yeel tɿ y bas y biigā t'a maand būmb sēn pa segd ye. Y sā n tagsd y biigā sēn wumd yelā vōor to-to wā yelle, a pān-komsmā, la yel a taab yelle, y na n wilgame tɿ y yaa wumda, n kibl-a tɿ zemse.

RA TOEEM-Y Y GOMD YE

A Zeova yeela Malaki 3:6 pugē tɿ ‘yē ka tekd ye.’ Wēnnaam nin-buiidā kɿsa sɿd ne gom-kāensā, tɿ b yam gāe bāane. Kiblgā wēngē, roagdbā me sā n pa toeemd b gomde, nafda b kambā. La y sā n mi n toeemd y noore, tōe n kɿtame tɿ kambā pa mi b sēn maandga, wall yik b sūuri.

Tēeg-y t'a Zezi yeela woto: “Bɿ yāmb goamā yɿ n-yēe, n-yēe, wall ayo, ayo.” Roagdbā segd n tūu sagl-kāngā kambā kiblgā wēngē. (Matte 5:37) Ra gom-y sēn na yɿl n yēes biigā bal ye. Y sā n wilg būmb a sēn pa segd n maane, n yeel t'a sā n maane y na n subg-a lame, a sā n kɿs bɿ y subg-a.

Ba wā ne ma wā sā n dat n kibl b kambā sōma, b segd n yēsda ne taaba. A Robēer yeelame: “Tōnd kambā sā n yā b ma n kos būmb t'a zāgse, b tōe n wa maana sulem ne maan tɿ m sake. La m sā n wa bāng tɿ b ma ra zāgsame, ma-me zāgsdame sēn na yɿl n teel m pagā.” Roagdbā sā n pa wum taab yell ning poorē, yita sōma tɿ b bao n wum taaba, la b pa segd n maan dē kambā taor ye.

KIBLG YAA TɿLAE

Y sā n duk a Zeova togs-n-taar n kibind y kambā ne bugsem, n yaa wumd la y pa toeemd y gomde, y tōe n kɿsa sɿd tɿ na n naf-b lame. Rē tōe n sōng-b lame tɿ b wa yɿ kāsemb sēn tar yam la sēn tōe n zā b mense. Sɿd me, Biiblā yeela woto: “Zāms biig a manesem sēn tog n yɿ to-to. La a sā n lebg nin-kēema, a ka na n bas-b ye.”—Yelbūna 22:6. ■

Bõe yīng tū d segd n puusdē?

Wēnnaam a Zeova ratame tū d puusd-a n wilgd-a d zu-loeese. (Luk 18:1-7) A kelgda tōndo, bala d yell pak-a lame. D Ba sēn be saasē wā sēn yee/ tū d puus-a wā, d pa segd n puusd-a sūda?—**Karm-y Filip rāmb 4:6.**


La d pa puusd Wēnnaam d sēn tōe n kos būmbā yīng bal ye. D sā n puusdē, sōngdame tū d neē t'a tēra d yelle. (Yūl Sōamyā 8:4, 5) D sā n wae n pelgd d pug n puusd Wēnnaam, d lebgda a zoa.—**Karm-y Zak 4:8.**

Wān to la d segd n pouuse?

Wēnnaam pa rat tū d sā n na n puus bu yaa wa d wilgdame tū d mii goam ye. A leb n pa rat tū d togsd goam d sēn duk ne zug ye. A pa yeel tū yaa tulae tū d wōgemde, n yīgimdi, wall d yals yīngr n puus ye. A sēn datā bal yaa d puus ne d sūur fāa. (Mathe 6:7) Wala makre, a Ann sēn da yaa Israyell pagā puusa Wēnnaam n wilg-a zu-loeeg a sēn da tare. La a yellā sēn wa n manegā, a puusa Wēnnaam bark ne a sūur fāa.—**Karm-y 1 Sāmwell 1:10, 12, 13, 26, 27; 2:1.**

D sēn paam n tōe n puus Naandā n wilg-a d zu-loeesā, pa noom-d sūda? D tōe n puus-a-la bark la d pēg-a me. Y pa ne tū d segd n wungda ne puusg sūda?—**Karm-y Yūl Sōamyā 145:14-16.**

Y TŌE N PAAMA SŌS-KĀNGĀ BUUD
N KAREM ĒNTĒNETĀ PUĠĒ



Y sā n dat n bāng n paas bu y ges seb-kāngā sak 17 wā. A Zeova Kaset rāmbā n yiis-a. Y tōe n telesarza seb-kāngā www.jw.org

